

重印信陽州志

魯青潘儀鍾署

叙

州以信陽名自宋之信陽軍始信同申故舊誌曰卽申陽也申爲四岳之裔國於鄆阨之北淮水之南歷虞夏商以至於周季而後亡周宣王時申侯以賢入爲卿士佐王有功加封於謝以式南國謂之曰申伯蓋古方伯之義也再世而謝入於楚獨始封之申多歷年所豈非三關之隘號稱天險國小而倚以爲固又以申伯之厚德政化漸摩澤民深而貽謀遠非他國所可及者乎今之爲誌者條分類析大畧相同序誌者亦以紀先後纂葺之勤而外此無可傳述以爲來者告顧予於斯誌竊有感焉蓋國有與立惟地與人得地則疆圻可守得人則司牧有資史表三關之雄詩著申伯之美亦旣信而有徵已伏念

國家聲教自北而南鄆阨諸關居楚豫之交允宜屬豫以控楚而沿前朝之舊與楚之應山縣畫關爲界且關門啓閉

委諸應山焉雖王者大一統之義未肯輕爲改制然因其事之所起相其時之所宜神而明之存乎其人魏書有云地有常險守無常勢斯言足以蔽之矣至於司牧之道今古同揆吉甫之誦曰申伯之德柔惠且直揉此萬邦聞於四國則當日之所以治申者概可知已民氣多悍馴之以柔民力多疲恤之以惠民情多虞詐示之以直柔以易俗惠以遂生直以復性三者舉而王道備矣揉萬邦聞四國推而行之無不準况區區一申乎履常則法古以宜今應變則捍外以衛內三復斯編其奉以爲此邦之治典可也余不敏奉

命觀察豫南信牧張公爲庚戌同年友取前志而增修之於其成也不揣固陋綴以一言未審來者以爲何如而張見之獨欣賞不置申伯之風亦復去人何遠哉時

乾隆十四年五月上浣

賜進士出身

特授中憲大夫河南按察使司副使分巡南汝光兼管水利  
道紀錄八次山陰任弘業撰



重修信陽州志序

郡邑之有志乘猶王國之有史書所以褒德錄賢發潛摭幽獎風俗興教化備輶軒之採者也顧史之修或在數百年以後而志則宜隨時紀載蓋史以事繫人朝廷數大政承宜有職簪筆有官典至重也故事傳而人亦與俱傳若志則因人繫事窮簪慕義何關廟謨深閏矢節寧望旌揚膠庠無篤古之彥鄉黨鮮月旦之評當其時猶相與嗟嘆迨人往風微而其事亦因之盡泯善行頽廢風俗不隆職此之故予故謂志之宜修較史尤亟亟也雖然有難焉者貪多務富去取不嚴則失之濫輕聽妄信考核不精則失之誣養尊處優憚勤延訪又掛一而漏萬矣自非高才博學留心民隱欲其纂言載筆勒一代之成書也知其有所不能信陽爲古申伯國當豫楚之門戶層巒疊抱瀕水環繞其間英傑挺生忠義奮起人物熙豐宛然一大都會

也從前豈無志乘然世代相沿兵燹屢遇收拾于煨燼者不過什一之於千百耳順治十七年前牧賈君創爲權輿迨康熙庚午陳君繼修其中輿地沿革河源出沒頗多錯訛要亦因陋就簡未可指爲一代之成書也矧去今五十餘年風氣日開制度凡幾更定生聚教養凡幾於變山川繡錯犬牙相維凡幾斟酌殆未可更僕數矣夫人一身之所閱歷往往板橋茅屋楊柳烟村五十年以前之所有再往過之或失踪跡也高臺曲池青雀黃龍五十年以前之所無今往過之居然鬧市矣則夫通都大邑之內上下五十年間紛紜變置寢傳寢失湮沒而不彰者可勝道哉假而不急爲之搜輯將更歷數年或數十年老成益謝文獻無徵是使一州之人風物產節義文章都歸風雨而泯泯棼棼以至於盡也山靈且笑人矣伊誰之責哉州守張君篤學好古到任未及兩載卽取前志而續修之舉凡疆域

變遷淮瀨源流前志所訛皆與

大副憲任公博考羣書悉爲校正食貨典禮因時制宜前志之所未備盡爲增入至選舉人物零落凋殘於五十餘年之間者則取州孝廉萬君彙集底本藉爲梗概而時與州之縉紳學士廣搜博訪發凡起例別類分門經寒暑而書乃成因以問序於予予不禁因之有感矣士人讀書萬卷自矜博洽欲爲當代偉人及一旦出宰方州馳情曠達一切興廉舉孝礪俗維風之政度外置之此謝靈運畢卓諸君子輩之所以見譏於時也又或虛名純盜諉託非人聲氣相通者登諸錦帙單寒無告者遺其褒揚曾稗官野史之不若尙可以激濁揚清信今而傳後也乎今觀是編華實並茂繁簡俱宜眞可謂不濫不誣不漏齟齬乎一代之典章亘千秋而不朽者也他日轡軒命使問民風訪故老求里中軼事以爲修明



國史之補請卽持是書以獻也可

皆

乾隆十四年仲夏

特授中憲大夫知河南南陽府事前護理南汝光道加一級  
江夏崔應階撰

重修信陽州志序

域中有四大史居其一志也者與史相表裏者也二十一家以後至有明而制綦詳通志以下有郡志郡志以下有州縣志經經緯緯詳略辨焉蓋以土著之人言土著之事耳目皆親善敗自切所謂觀指羅而數家珍不患不悉由郡而省以是爲斷而尙慮不足爲信史乎哉申國近楚爲兩河之衝其因革利害種種關於全豫不小舊志創於勝朝神廟時宗伯何公洛文大叅劉公尙朴寔成之至康熙十六年州守賈公待旌與邑劉君蓀芳等重輯之踵事增華亦旣斐然眉列矣自是以來又且六十餘年幸際聖朝景運之隆規制日益備風物日益盛其典例之增置人文之興起嘉言善行之旌賞累積烏容聽其烟微雲散也哉歲在庚申余以菲材膺斯民社之寄下車以後慶際昇平嘉與士民鼓舞於絃歌耕鑿之餘思欲一爲補緝以接

前軌之清塵而方伯 趙公檄適下乃亟爲之設局儲材  
屬邑之名孝廉萬君侯等或稽之則例或諮之老成或按  
之家乘或叅之輿論其考核也務精其討論也務詳其澄  
清登進也務嚴而公幾閱月體粗具猶恐耳目未徧遐僻  
或遺囑諸生寧爲鄒遲勿爲枚速也未幾而余已解組矣  
稿未獲上欣逢觀察 任公學搜二酉才具三長爲之總  
裁而清苑 張君繼蒞茲土向之自慚無文者乃更居藻  
采壁壘一新非復灞上棘門之舊幾於宗伯之得大叅矣  
抑余思志之累須於修也豈僅爲學士欺淹博方輿節觀  
瞻耶蓋星紀山川都鄙雖不易而法制之更置戶口之蕃  
息文物聲華之乘除則與時俱易者苟勿爲之增所必增  
續所必續將良法易湮芳型莫闡奚以示來茲昭法守而  
資勸誠與今幸克觀厥成則疆里正而豪右之窺伺息徵  
發清而奸猾之乾沒除名宦鄉賢舉而士大夫之禮義以

興忠孝節義具列文事武備均修而自閨門以及邦國之  
風化以振至於考災祥以徵人事著利弊以善機宜賞奇  
析疑之不苟魯魚亥豕之必嚴皆於是備庶由郡志省志  
以上諸太史稍資金馬石渠之採擇因以黼黻皇猷鳴我  
累聖休明之邇治俾麟炳於千禩也豈不盛哉豈不盛哉

嘗

乾隆己巳歲中秋月

特授奉直大夫前知信陽州事二韓馮原撰



續修信陽州志序

申陽名郡也肇自何代封自何人星分何宿疆隸何屬按圖而考了如燃犀古人之餉我厚矣哉雖然天地之化往過來續譬之渴虹飲水霜華搏天瞥然一見轉眼滅沒隙駒轆轤千古直瞬息間耳古人不得已筆之簡牘以遺後人非敢與天地爭也昔先王輯訓典而國無奸民蓋鑑懸則不敢欺以妍媸繩陳則不能枉以曲直先民有言國史邑乘暗室一燈後之視今與今之視昔將無同耶州治地不數圻物產貢賦猶得比於古之小諸侯况道當子午衝三楚咽喉亦全豫門戶陸有車馬水有帆檣貨聚人稠聲氣四達洋洋乎南州一大都會也他如右枕賢首背帶長淮瀨水橫亘於南龜山雄峙於東淑靈和清之氣孕育磅礴鍾之人物必有月異而歲不同者芳規高躅猶在人間不思收而輯之以示來許聽其與洛陽銅駝同漸滅乎荒

烟蔓草之中亦邑大夫之恥哉古者三十年爲一世文章制度或不能無小過不及之差積漸之勢然也州志輯於前牧賈君越三十年再續於陳君迄今又五十年矣其間科名宦績古誼貞微仙靈儒釋之奇踪騷人逸客之高詠分類增輯梓成一書可以表典型可以拯廢墜洵不朽之盛事也余於丁卯年來牧茲土他務未遑卽訪諳於掌故者若而人取州志而續修之聞前牧馮公曾延孝廉萬君同諸生彙成數帖因收爲藍本復相與披金於沙礫探蘭於蒺荻損之益之刪之補之閱一歲而脫稿若夫上下千百年考疆域之沿革搜河道之源流批金根之誤辨豕亥之疑我

觀察任憲實摠其成於是乎百里疆索在掌握中矣蘇子曰自其變者而觀之天地曾不能以一瞬然則五十年已在風馳電掣轉眼滅沒之中暗室一燈耑賴茲編之存也

運會方隆治理日上後之來者周諮美蹟相時而續修之以  
爲此邦載藉之光是則予之所厚望也夫謹序告

乾隆歲在己巳夏五月之吉

賜進士出身奉直大夫申州牧清苑張鉞撰





重印信陽州志序

吾邑志乘自乾隆己巳以來百七十餘年失修已久板佚書散徵文獻者咸憂之同學薛溫伯慨然引爲己任旁搜博採冀得完本重印之廣其傳以光前烈聞者樂許爭出所藏書爲助顧皆有所殘缺且殘缺大抵略同未能合爲完璧惟李君旭初黃君鵬程所出書殘缺較少其殘頁各以素紙承乏而文闕無徵美猶有憾最後於楊君樹滋家得一部所缺與李黃藏本適同獨有手鈔原文補綴完好然亦僅矣溫伯於是欣然以喜亟挾書邀余偕赴漢臬與鄭君彥冲協商付印曩者測繪之學未精原書附圖尙待改正茲刪道署州署城圖八景等僅存山脈河流學宮圖各一並以同學易宣三製之縣境圖合肥汪孝伯製之城治圖代其舊有擇手民之嫻文藝者而訂板式而授之余因是思人類志趣之不同文運升降所繫亦卽世運隆污之樞紐也是書自明季至清乾隆

間不及百年而再三修蓋關心文化好古愛鄉之人衆故風教淳美有乾嘉道光問百年之康樂嗣後外鑠內訌急功近利之習中人既深羣以讀書稽古爲無用斷簡殘篇先輩所傳爲家珍者子孫輒漫焉覆瓿不稍恤文敝俗媮影響至鉅微是舉遲之數年將併今所僅存之緒餘亦且不復可求而吾邑數千年之文獻永絕矣余甚佩溫伯志趣之遠大而喜鄉里贊助者尙不乏其人也適本縣修志局屢蹶復起本省重修通志局亦專員四出徵材人心趣向如此或文運世運將有轉移之機耶謹誌之爲同志稱慶焉

民國乙丑元旦後三日邑人劉景向遂眞甫序於漢皋客次

重印信陽州志目錄

首卷

序  
目錄  
姓氏  
凡例  
各圖

第一卷

天文志

星野

輿地志

沿革  
疆域  
形勝  
山川  
古蹟  
風俗

第二卷

建置志

城池  
公署  
學宮  
祠壇  
書院  
街坊  
鄉村

集舖  
關梁  
寺觀  
倉廩  
郵政  
郵政  
營房

第三卷

食貨志

戶口 田賦 解支 驛站 耗羨 雜稅 鹽引  
物產

第四卷

典禮志

慶賀 接詔 鐸教 迎春 耕藉 文廟 武廟  
祭壇 救護 祈禱 祭文 鄉飲 賓興 入學

第五卷

官師志

官秩 監司 知州 州判 儒學 吏目 驛丞

第六卷

官師志

宦績 武備

第七卷

選舉志

薦舉 進士 舉人 貢監 武舉

第八卷

人物志

忠義 孝行 政事 耆德 文學 武功 流寓

第九卷

人物志

義母 孝婦 烈女 貞節

第十卷

藝文志

詔制 訓表 奏疏 書論 記

第十一卷

藝文志

序 書事 傳 頌 贊 銘 碑 考

第十二卷

藝文志

賦  
古詩  
歌行  
五言律  
七言律  
排律  
絕句  
詩餘

續修信陽州志姓氏

鑒定

巡撫河南等處地方提督軍務兼理河道督理營田兵部右侍郎兼都察院右副都御史加三級世襲三等伯鄂容安 虛字滿洲正

提督河南全省學政加三級蔡新 嵩山福建浦人內長

河南等處承宣布政使司布政使加一級富明 滿洲鑲白旗人

河南等處提刑按察使司按察使加二級嚴有禧 汪蘇常熟人

河南開歸等處督理通省驛鹽水利糧務道按察使司副使加二級金山 浙江嘉善人

河南分巡開歸陳三府兼管通省兵備河道按察使司副使加三級沈青崖 高郵人

河南分巡河北兵備道兼管彰衛懷三府布政使司叅政二級胡振組 烏玉廟天大興清浙江山陰人貢生

河南分巡河陝汝道按察使司副使加三級張學林 關東江南丹徒人歲貢生

裁定

河南分巡南汝光道兼管水利事務按察使司副使加三級任弘業 關宗浙江山陰人庚戌

督理

河南汝寧府知府加一級佟世表 正虛族人監生



河南汝寧府糧捕分府加一級樊天溥

江南長洲人監生

纂修

信陽州

知州

張鉞

直隸清苑人庚戌

叅訂

信陽州

判趙璘

修五奉天人監生

旗人

信陽州

儒學

正劉國傑

子良滑縣人

信陽州

儒學

道楊道揆

符一懷慶府人

較梓

信陽州

吏目竇虎文

如穎天詳會稽人保舉

人

信陽州

明香港驛驛

丞胡自英

元載大興信山陰人議叙

編輯

懷慶府

原武縣儒學

教諭萬侯

定垣郡人乙卯

分輯

儒學

廩膳生

員郭際雍

光四

儒學廩膳生員張大成展也

儒學廩膳生員鍾珉霞村

國學廩膳生李揚發翊萬

徵探

選拔貢生李亦復剛長

廩生袁淳子厚

廩生崔師灝畏白

生員危映辰著天

校對

儒學廩生萬遴

廩生王章



前修志姓氏

知州楊若梓

鄉紳何洛文

劉尙朴

順治十七年修志姓氏

知州賈待旌

鄉紳劉蓀芳

何繼桂

劉夢興

生員戴珙

劉一鶴

王星室

劉彥芳

羅應選

張如芹

何慶增

黃墀

劉緒芳

劉懋

康熙二十九年修志姓氏

知州陳昌言

恩貢生王補之

拔貢生張宰

凡例

一申陽志創於宗伯何公洛文成於大參劉公尙朴

國朝定鼎景運維新一續於順治十有七年再續於康熙二十九年綜核亦彬彬矣自康熙三十年來距今五十五載風土人物政績文章衆著於郡邑者詎可闕如弗傳爰蒐羅哀輯條列如左其始修論贊則題曰舊志繼修論贊則題曰續志今有更端則以按字別之一星野分象於天文疆域綜攬乎形勢古蹟風俗舊志無容增損

一申陽爲楚豫接壤有三關之險歷代變遷靡常沿革一項核定頗難故舊志多有未確今博採群書備加稽考始鑿然有據堪証從前之誤

一群邑皆有景而舊志獨無况我申山河表秀往哲流芳舊跡頗多其灼然可名狀者亦約畧有八遊覽不

足資古有餘爰繪圖出之以誌其勝

一城池公署學宮倉廩村市歷年既久間有興廢廢者存名以備參考興者核實以便觀覽

一則壤定賦量地居民由來舊矣顧土田日益闢戶口日益繁賦稅人丁較前爲盛今準近年確冊及賦役全書詳記之以覘富庶之徵

一化民成俗典禮爲先舊志缺而未詳今運際昌隆文廟祠壇祀典儀章各有添設書院社學振起斯文皆詳具始末以彰明備之休至先賢先儒歷年既久木主多缺悉列其姓氏字籍以爲學人一助並便後來查補遺失

一官師類中前代官制各殊但以代次代中以年次監司體重書於州前自倅二以下亦以序次宦績多足不朽年遠苦於無徵故所傳堇堇

一州中雅號多賢不能盡爲傳傳不及收者或分註選舉各姓名下生者雖賢例惟具名爵

一古今名碩著述雖富惟有關於典章風化景物人才者乃次第擇入詩文不必盡出申人手或寄自他邦或宦寓弔古亦擇入

一舊志各叙繫之藝文以垂永久其纂輯姓名仍列卷首不掩前人創修之功





重印信陽州志卷之一

重印校對

羅山黎國華燦然  
鄉紳鄭謙毅彥沖

天文志

先王上應星次下奠山河列宿分躔九州攸叙保章氏之所掌可考而知信陽屬壽星之域自蔡息沈蓼諸國南陽弋陽等郡皆環列於星紀中茫茫天漢申境不啻黑子然要皆分野也軫宿明大海宇咸康則夫爨理陰陽庶徵凝休天人自有協應者仰觀俯察之際庸可忽諸志天文

星野

信陽屬壽星之次在辰宿曰軫

唐天文志申州屬壽星壽星之域古蔡息江黃道栢沈蓼房弦諸國汝南南陽弋陽諸郡邑皆其次也申與隨並漢東烏得榮謂豫州豫分在大火鶉火且次七星張俱弗類卽鶉尾終猶鶡厥度然則歐陽公所謂鄭爲軒轅祝融之墟其東鄙入壽星者寔申境與申蓋豫南

陞荆北陲而西連鄒故象占於軫軫之過辰者晉志曰起十二度周易分野曰起七度月令章句曰起六度察明朝清類天文獨準唐書曰起十度是度也可以定巾之野

軫四星形如張翼然旁傳兩星左轄有轄中一星長沙下則軍門星二土司空星四青丘星七器府星三十二併屬軫宿云

軫距極百度主冢宰輔臣明天下昌萬民康四海歸王轄主王侯左轄爲王者同姓右轄爲異姓轄不見國有大憂長沙主壽命明壽命長子孫盛軍門主營侯彪尾威旗有軍出入皆侯軫上司空主土功一曰司徒主畧域人民青丘主屬國器府主樂器之府

經云將軍樂府歌騶之事星曜犯之各有咎又有車之象主軍騎載任明則車騎備動則車騎用亦主風軫與巽同位翼爲風車動行疾故似之

五緯侯鎮星北斗侯衡星太微垣通志畧云在軫北鈞鈴星元命包云別爲豫並得侯侯

歲斗建酉律而呂占白露

舊志曰余於星士家攷據一行緊唯是派山河兩戒窮雲漢飾四維

從天關內得壽星巽維內得軫淮之濱桐柏之麓漢之東北偏得申  
其參伍關通最精博他如陳范京張葦繫州繫國猥云布度乎何居  
蓋彼以名此以形以象名屢遷形象不朽昔太史氏辯位辯吉凶將  
敘事叙政實式圖之夫寧不去彼取此



輿地志

信陽古申伯遺封春秋以後分屬不一明隸汝寧今仍其舊稽禹貢  
介荊豫之間考天文列壽星之次芒芒四境長淮繞於後巖關峙於  
前當子午衝衢冠蓋往來車馬絡繹洵稱豫南重地矣志輿地

沿革

禹貢荊豫二州之域昔四嶽佐禹有功虞夏之際受封於申其地南  
接三關北繞淮水與江隨道房四國接壤春秋時楚靈王遷之於荆  
其子平王復之後仍爲楚所滅

秦立南郡此爲郡屬

漢高祖分南郡爲江夏郡置鄆鍾武於此屬之

是時四境東接安襄東北接安成北接成陽關安西北接

安昌皆屬汝南郡西接隨屬南陽郡

後漢爲江夏郡領鄆如故省鍾武置平春屬之

四境與前漢畧同惟省或陽改安昌爲朝陵

晉爲江夏郡初領鄆平春如故孝武中改平春爲平陽屬義陽郡

按史稱魏

文帝立義陽郡後省羅晉太康中分南陽郡屬十二縣爲義陽郡地在隨縣以西治安昌城本後漢之章陵縣魏黃初二年所改非汝南郡之安昌也

劉宋承晉之後豫境司州陷於北魏孝武時置義陽縣屬義陽郡明

帝泰始中復於義陽郡設司州以義陽太守統各令長領縣七平陽

侯國

即後漢平春

郟

舊省永初復

寶城

孝建三年分郡立

義陽

初平春

舊名孝建三年分平陽立

環水

初

東隨縣至是改名

南齊司州鎮義陽有南北兩郡北義陽郡領縣六平陽義陽保城郟

鍾武環水南義陽郡領縣六平春屬焉

按史宋景平初失河南地元嘉中併立司州於汝陽懸瓠尋罷宋泰始中始立

州於義陽郡有三關之隘北接豫汝控帶許洛自此以來常為邊鎮

北魏永安三年置郢州太平四年罷州置義陽郡本劉宋所置之司

州孝昌三年陷於梁武定七年復改置南司州領三郡齊安郡領縣

三保城

有羅山

郟齊安

即鍾武

義陽郡領縣二平陽

有湖

義陽永安郡領縣二

樂寧

有武陽關

東隨

有黃觀關

梁置城陽郡魏因之領縣四淮陰平春義興

皎城

齊梁置縣

隨為義陽郡

齊梁曰

司州

魏曰

郢州

又改南司州

領縣五

義陽

齊曰

平陽

置宋安郡

大魚山

鍾山

齊曰

郟

後齊改曰

齊安

仍

羅山

後齊置曰

高安

開

禮山

源

後齊置縣又為淮安郡

開

又為汝南郡

一邑屬之城陽

齊廢

梁置

又有義興縣

後

魏置

城陽郡

梁置

魏置

西地州

後齊曰

永州

開皇九年廢入

純州

十八年改

義興為純

朗山

齊曰

安昌

置初

唐置申州義陽郡屬淮南道領縣三義陽

南有平靖關鍾山羅山武德四年以縣置南羅州

八年州廢來屬

大業十四年申光蔡三州相繼爲彰義節度使李希烈吳少誠

所據至元和十二年始平郡領縣如故五代因之

宋初爲義陽郡隸京西北路

京西分南北二路

開寶九年降爲義陽軍廢鍾山

縣大平興國元年改爲信陽軍

信陽之名始此信領縣二信陽羅山開寶九年與申同即申陽也

山入義陽軍

紹興四年以信陽并屬襄陽路是時金人陷信陽尋復得失嘉定間以信陽三關更甘德安置關使寶慶

開元人克三關地入於元

元初爲信陽軍至元十四年改立信陽府領縣二信陽羅山十五年

改爲州領縣如故

是時州治信陽縣

二十年徙州治於羅山縣而移縣別置志云

羅山縣置要衝徙州治之○按明史云元爲信陽縣屬信陽州後廢則此仍爲信陽而改州治之羅山當別有在矣址無攷

明洪武元年置信陽州於此屬河南分省四年屬中都臨濠府七年

改屬汝寧府十年降爲縣成化十一年復升爲州領縣二確山羅山

後以確山去州境遠改爲府屬領羅山一縣屬汝寧府

羅山亦屬盧縣

### 國朝因之

舊志曰信陽在豫南疆相傳周宣王封元舅申伯於謝卽此乃宋朱熹解揚之水黍苗指謝爲信陽解崧高又指謝爲南陽駁之者曰吾郡謝城居中邽間南陽亦有謝城乃遷在唐縣



南春秋載楚子滅申吾郡北六十里有楚王城他如申伯讀書臺申陽臺申伯塚遺蹟  
 可說然宛陽之說見漢地志未易盡非郡人何奕家作志考謂申伯始封於宛後入為周  
 州信陽因面刑背河地也秦能侯置義陽縣南關郡漢省地入平氏縣三國魏初復義  
 二縣晉武帝惠帝時又分南陽置義陽郡南以新野穰鄧隨安昌穀陽城平氏義陽十  
 陽流人則今澧州也劉宋改隸州治於義陽以洛陽司州梁改於北魏也而義陽則  
 永安郡永安即今湖廣蕪湖縣後又為安城縣南仍舊州改申州隋改義州尋復為義  
 為南司州也北魏改鄧州齊梁雖置司州而義陽郡仍舊州改申州隋改義州尋復為義  
 郡唐武德四年為中州光泰三年州相繼為彰義節度使李希烈吳少誠所據至元和十  
 商城縣大曆十四年申光蔡三州相繼為彰義節度使李希烈吳少誠所據至元和十  
 始平五代因之宋置信陽軍隸二州相繼為彰義節度使李希烈吳少誠所據至元和十  
 興國元年改信陽軍隸二州相繼為彰義節度使李希烈吳少誠所據至元和十  
 陽尋復失嘉定間以信陽三關更隸德安而置關元隨併屬義陽路金人陷信  
 亂地克凡四十餘年以羅山當要衝復往州治此而移縣於西南渡曰羅山明洪武初  
 二縣元史又云二十年省信陽地入鳳陽府尋復隸河南行中書省七年增設信陽州隸河  
 仍州二年改為縣四年省信陽地入鳳陽府尋復隸河南行中書省七年增設信陽州隸河  
 南布政使司十五年州復為縣地入鳳陽府尋復隸河南行中書省七年增設信陽州隸河  
 近汝且去州遠改屬府

國朝

又曰謝房申縣間則淮乃北流若則曰申陰乎非也諸峰皆列外陽淮亦北四十餘里  
 郡對首諸峰俱南則淮乃北流若則曰申陰乎非也諸峰皆列外陽淮亦北四十餘里  
 請循其本寓內山脈從大復天封而東蟠蟲至三角山斜奔鳳舞蜿蜒於游瀾二水之中  
 為州治而以巖枝別派北走阜陽雙片之間如抱如送者一望盡帶時也瀾河西來繞南  
 而東則山南水北之義或曰信陽以申伯得名似矣余考虞夏之際四岳佐禹有功或封於申  
 不免居資從之分矣或曰信陽以申伯得名似矣余考虞夏之際四岳佐禹有功或封於申  
 姓姜氏周初師向父首封齊為上公其裔封宛姬姜世為婚媾元舅改封信陽詩曰我圖爾  
 居莫如南上是也鄭箋孔疏及史齊世家俱有明徵時之桓公友初封於鄭蓋京兆地後以  
 王室多故徒其民誰東是為新鄭若則吾郡為新申乎是又不然東京兆去雖東二千餘里  
 而蓋一墩內一三川非新不著宛申相望不數百里而近申又宛東南故以儒名且也伯

封申而曰申伯非申得伯而曰申部也若曰地以人重可爾

續志曰史記齊世家云太公望呂尚者東海上人其先祖齊爲四嶽佐禹平水申在南陽境夏之際封於呂或封於申姓姜氏夏商之時申呂或封枝庶索隱曰地理志云申在南陽境王縣申伯之國呂大公所封亦在宛縣之西也疏曰大雅崧高之章小序曰崧高尹吉甫美宣王也天下復平能建國親諸侯褒百中伯焉疏曰封立謂之建賁勞謂之觀建謂立其國觀謂視其身也何休云有土加之曰褒無土建國曰封今改而大之曰褒賜羣臣爵有分視與鼠陶益土地則益之土地之曰褒也此申伯建國已絕今改而大之曰褒又申伯章疏云言申伯以賢入爲王之卿士則申伯先封於申來仕王朝又言王欲使職其故諸侯之事往作邑於謝者蓋申伯本國近謝今命爲州牧故改邑於謝取其便宜若申伯不先爲諸侯不得云人爲卿上下言我謝爾居莫如南土者言餘處不如汝舊處之南方據此則申伯先世封宛自虞夏商已然後入爲周王卿士又以元舅之重改封於謝無疑而申寧謂有謝城汝墳爲南國的是自南陽改封信陽也

### 以上舊志仍存備考

### 疆域

州治東 六十里金關舖入羅山境再六十里抵其治

東南 九十里武勝關過湖廣應山縣境再百里小河可入孝感縣境再一百四十里抵其治

南 九十里平靖關入湖廣應山縣境再七十里抵其治

西南 七十里分水嶺入湖廣隨州境再一百四十里抵其治

西 一百二十里趙莊舖入南陽府桐柏縣境再六十里抵其治

西北 由趙莊舖過桐柏境六十里高店入南陽府泌陽縣境再六十里抵其治

北 九十里明港驛入確山縣境再九十里抵其治

東北 七十里新色寺入正陽境再七十里抵其治

延 一百六十里

委 一百九十里

達本府 二百七十里

達本省 七百二十里

達京師 二千四百里

舊志曰申伯之胙土也介在淮漢二瀆間當是時幅輦千里洋洋大國哉未幾而入於楚後且爲郡邑爲州軍廢者置者遷者改者分者合者代有卽巧曆惡能算其疆今制割宛葉唐鄧屬南陽所稱申董董一隅博古君子恫乎有喬木之思焉雖然東眺光鄴西陟胎簪南控大洪北負朗陵尤中原要害矣

形勝 八景附

環申皆山也其南迤東迤西深入其阻所稱三關之險亶其然乎淮遶其北瀕遶其南山勢蜿蜒與楚黃分界斯亦庶乎百二之勝哉

賢嶺松風

越瀾河五里許有賢者山橫巨與州城南門對時一帶呼嶺若屏松林茂密兼有翠竹盤曲遊人憩息其際每流連曠致忘歸爲州城第一勝景

瀾河泛月

瀾河口自西南來斜抱州城清澗可愛若其冰輪皎潔泛扁舟與波上下山光樹影映映城郭令人飄然意遠

申塔朝暉

古塔在中城內上出重閣下臨萬口風手砥柱郡時常曉霞漸散日初升光如一抹朱彩照耀浮閣於空際遙而望之最爲壯觀

奎樓晚照

在望山城北樓在城東南隅重巖相並瀾水夾流原嶺以培植文風每至斜陽在望山城煙都成歷歷遙映於魯臺中日今鳴工重建畫棟飛雲於茲復觀

龍潭瀑布

州西南境去城四十里峻崖布頰多面自龍潭爲最善仰接山泉俯噴雪浪日夜奔瀾其聲若雷形如天河之倒瀉

雷沼噴雲

信陽東部二十里有山名曰雷雷形勢崔嵬下來瀾口絕頂有二石沼產城金魚游泳其內時或晴烟旋旋雨將來則濃雲環環從茲出岫遂平鋪於魯落

可觀大有

龜山晴雪

州東南五里有山竹筍因以著名列州之巽方瀾水穿流其下每遇雪霽儼然玉堆甲冑瓊瑤作態蒼苔當前供人賞玩

長臺古渡

淮河遠州北境經長臺原流橫孔道及其水漲盈川楊波浪濤洄之勝於權以渡征客濟濟爲南北必經之地

山川

義陽山

州治東背依武山以立義陽郡山因以爲名舊有亭覆其上前爲文昌閣左爲義陽書院今廢

響山

東十五里巖之有聲如鼓

震雷山

東二十里上有二石沼有真武廟

龜山

東南五里形甚肖龜瀾水經其麓若派流然

劈破山

東南七里兩山相峙狀若刀劈者

鍾山 東南二十五里隋因山名縣

筆架山 東南二十里山分數峯狀如筆架

麒麟山 東南三十里以形得名衆山峽抱數里俗呼關兒口山

丹谷山 東南六十里

靈山 東南六十里山峯最高大每出雲則必雨

天平山 東南七十里山峯最高峻有玉皇殿

峴山 東南七十里魏攻義陽梁曹景宗鑿峴山以救卽此

士雅山 南四里晉祖邀字士雅避兵淮西卽此下有魏將元英所築營壘之跡一名天馬

萬善山 南五十里衆山競秀一水環流上有普濟寺

龍爬山 南五十里有二石龍一升一降狀類爬上有龍華寺半山瀑泉流入潭厨最爲清

紫雲山 南五十里嶺雲出掩映若紫上有龍巖寺

金山 南六十里連絡數十里狀若覆金魏辛祥夜襲胡武城於金山卽此

明月山 南六十里月映山峯光芒射人上有金華寺

石城山 南七十里晉書石季龍將襲安留義陽進圍石城水經註云瀝水經石城

雞翅山 南七十里有怪石名窻公石一名雞頭山古詩春來芳草滿雞頭

賢首山

西南七里峯巒秀麗蜿蜒十數里上有梵宮石洞石井史載北魏攻義陽梁蕭衍據賢首以救卽此又名賢隱山佛前代有賢人隱此

秀峯山

西南十里山峯回秀狀若連珠

駱駝嶺

西南四十里以形得名上結有小苑

臘梅山

西南四十里山嶺多梅故名

董峯山

西南五十里峯巒峻起高出群山上有黑龍潭

東陽山

西二十五里以山向陽故名

卓斧山

西五十里實字記云上有寺下有潭

觀音山

西五十里上有石龕肖觀音像

堅山

西五十里高聳如削俗名尖山上有玉泉閣祖師殿山腰有石洞其深不測

老鴉山

西六十里有石如鴉

四望山

西六十里極高峻登眺見數百里外上有雲臺觀下有明山寺

七盤山

西六十里七峯相峙巔處平衍若盤

洛黃山

西一百里又名洛荒山

白坡

西北五里何大復初號白坡

金牛山

西北十餘里從堅山蜿蜒而來三臺聳若爲州城少祖相傳有金牛出沒隱見故名

查山 西北八十里

天目山 西北一百二十里亂石峻嶒曲臥踰踞如虎豹人物之狀下有白龍潭明河發源於此

鳳凰山 西北一百二十里相傳鳳凰集於上故名

華山 西北一百一十里絳桃醜李秀麗如畫

三角山 西五十里高峯插雲望如臺鼎

大滴水崖 西五十里夏家冲懸流如噴雪

小滴水崖 西南六十里天石峽俗名龍潭溝

重光嶺 西南八十里有怪松懸瀑之奇

松朶山 南六十里

望城岡 東北七里環中皆山行人至此城郭始見因名

白龍潭 西南四十里瀑布甚奇

黑龍潭 南七十五里平塘關下

雙河 東南二十五里九曲水與臥牛河會處

瀨河 南四十里源出隨州黃土山流抱州城至五里店下入淮

臥牛河 南二十五里合下梁店河入瀨

三灣河

南六十里源出應山西合黃土河西河頭

九渡河

南七十里水經註云水出雞翅山嶺羅委公邊九渡矣其猶零陽之九渡水故亦謂之九渡又曰九曲河古詩云春風九曲河邊路

清澗河

西南四十里東合翁家河入澗

楊柳河

西南四十里一名楊龍卽澗水上流

黃土河

西南七十里界連隨州應山實澗源也昔西關蕭衍謂通西關以臨賦舉指此

游河

西五十里合白鵞河至卓斧山下入淮

白鵞河

西四十里

淮河

北四十五里源出桐柏山經信陽東北水經云淮水東經義陽又云東得灊河口水歷光蔡潁壽盱眙淮安之鹽城北入海

十字港

北七十里水流貫十字故名

明港河

北九十里一曰明河源出天目山白龍潭至杜家灣入淮

洋河

東北六十里一名盱河源出大埠關之西港東流入於淮

古蹟

申伯讀書臺

城內西北隅舊建有申伯祠臺上產連理樹樹弁易以眞武廟俗遂呼爲眞武臺

鎮申塔

在城東門內高三十三級突出重霄相傳建自唐

鐘樓

在道署東



申陽臺 西九十里平昌關西南

黑龍潭 西五里澗水流至寶首山麓澗洞而成澗上有釣魚臺

申伯墓 近古謝城在平昌關西北二十五里有碑

謝城 西北六十里淮北海河西北方輿勝覽云申伯所封之地有碑

古申伯國碑 北二十里顏魯公題嘉靖中知府禮公子正建康熙年州牧李公廷基移建北門外

白雪樓 相傳足蹤無影地望見天上白雪樓詩云有名可喜烏風洞無處堪尋白雪樓

烏風洞 在城東震雷山下每風過洞中吼如雷

環翠堂 舊傳州治內宋畢公信詩見藝文(今廢)

環碧堂 同上(今廢)

白雪驛 東門外宋鄭父寶自工部謫鄂州過此題詩見藝文(今廢)

三秀堂 初名牧牛軒宋宣和間杏上曾產靈芝奉旨改名

相公園 宋范純仁爲守時創此園爲燕游地在州署內(今廢)

兩相堂 唐姚崇宋范純仁二公爲州牧遊息處在州署內又傳爲祀二公建(今廢)

奎樓 一在城外以州城論在巽方一在城上以州治論在巽方城外樓久經傾圮乾隆十三年紳士請道憲任募疏知州張鉞倡率重建

興安寨 武勝關西南崑山壩谷包羅七十里內城牆廣十餘里蓋宋人防禦金元之地卽九營之一

楚王城

北六十里卽楚王破中行師北伐所築時者猶每拾得兵刃盤匿云

太子城

與楚王城相去四里許門垣基址兩城猶存中可容萬人

櫟城

北五十里南齊書建武二年魏寇司州之櫟城城主魏僧珉拒破之卽長台關

烏壘城

北六十里按十道四番志中州有此城今無考

閻城

南七十里近恨這關以關聖得名

安昌城

西七十里張禹封安昌侯卽此

下梁城

東南三十里昔魏攻義陽齊蕭衍與王廣之赴救謂宜屯下梁廟有銀舍二株大十數圍

武城

東北二十五里春秋時武城黑所治

曹城

南七十里魏將軍曹景宗擊觀口時所築後名曹店東南有殷城今廢久

淮源城

西北六十五里北齊置慕化縣及淮安郡隋唐郡改縣曰淮源

義陽橋

在慈氏寺前今廢

司天橋

城內宋元符初忽有道人書於橋上曰日坐竹馬橋夜宿牧牛軒

白馬橋

在節孝祠西

駐節橋

與白馬橋二橋相望中爲儒學塘塘西北洩水道也塘西卽射圃

睡仙橋

西三十里傳有仙人臥於其上因名

放生池

即今慈氏寺塘舊傳野公亭在其上

野公亭

今廢

僕僕塘

東門外唐武德時僕僕道人曾結廬其間後昇仙今說云鑿鑿塘又爲水城橋

月兒灣

北九十里范純仁行部過此駐馬泣曰昔吾母夢兒墮自月中承以衣裾感而生純仁是以泣

拖刀嶺

南二十里上有峽隨嶺委曲而中分之俗傳關聖拖刀於此

扳倒井

南十五里井形欹倒水溢流出俗傳關聖扳倒飲馬

古井

明治露堂西成化十五年知州江公貴出之蓋石若酒壺水甚清冽

州井

治內東隅嘉靖辛卯年知州唐公瑾鑿作銘壽石萬曆二十三年知州朱公家法重浚有記

學井

東齋街內味甚佳

衛井

衛後

倉井

廣濟倉內

寺井

慈氏寺內

雙井

北二十里

巨井

州南對岡城山有水注流數丈洪濤灌山遂成巨井謂之石泉水北流注於淮

天井

城南十五步對門有天井週一百餘步深一丈東懸鍾武故城一井見水經今無考

鵝公泉 西六十里

寫字石

天目山三石承一巨石中虛巖二尺仰見字云自是神仙一洞天碧雲深處閉天關土人呼曰寫字石前有神仙腦仙人洞千佛巖東數十里有營壘遺蹟可列萬騎下數里爲徽底溝傍爲白龍潭上有千丈石東爲五金洞玉石洞北有台塔下爲慧照寺斷碑瓦礎猶有存者蓋唐刹也東北曰陳平寨霸王臺

霸王臺

陳平寨

棚刀石

在恨這關前俗謂關聖攻關不克棚刀於此

搗鍋石

在關城北山麓有三巨石俗謂關聖飯於此

劉王砦

在天目山頂巖傍有石刻云劉王飲馬之井

金花寨

南七十里有金花寺

宋將軍廟

西四十里劉宋時雲麾將軍宋僧徽墓在此因建廟

梁王壘

在賢首山史載北魏攻義陽梁蕭衍據賢首山以救卽此

石匣口

西南五十里有河白三角山東入湖

獅子口

西南六十里

雞公朶

南七十里

續志曰茲爲申伯遺封故古蹟多以申伯著歷觀三國南北朝戰蹟

及披宋史岳鄂王與金人爭此土九失九復及統制劉整以十八人襲破信陽崇禎末掘西甕門下得鐵印曰都統制印當是整鎮此地所遺耶他不具論卽以一興安寨言之幅員至七十餘里此豈民力所能辦可知歷來攻守咸以此爲必爭可據之地蓋大隧直轅阨三關雄峙固豫楚門戶西走襄鄧北控許汴又實中原要害南邦屏翰良重矣哉

按大隧卽廣觀今名九里關直轅卽武關今名武勝關阨卽平靖今名銀店關

### 風俗

舊志曰申屬汝南則其風俗古無可考者亦當總於汝南如剽輕易發怒地薄寡積聚見史記急疾有氣勢見漢地里志夸奢尙氣力好商賈見寰宇記人性躁勁風氣果決平陳後俗頗變尙淳質好儉約喪祭婚姻率漸於禮見隋志人性清和鄉閭孝友男務墾闢女修織維士風習尙文質彬彬見輿地里志俱其大凡云據信陽圖志曰民性勁直多事農桑不尙華麗元和志曰習尙儉素士風淳篤猶有申伯遺俗則所稱淳儉漸於禮清和孝友男墾女織及地薄寡積聚者

皆申伯遺俗也顧始未嘗不樸茂後稍侈靡矣塋服用鼓吹聲伎何奉政公立王宮庶公祖嫡劉叅政公尙朴相踵爲戒惟一鼓應門客至以革音多寡分大夫士庶冠用三加婚以親迎乘禮家始行之清明十月朔先期掃墓設祭七月望祭於家有祠者祭於春秋二丁元旦爆竹祀神朝謁後往來相慶立春日迎勾芒鞭土牛飲酒餽餅元夜張燈火樹交輝三月三日十五日朝堅山磴道盤紆峴嵒幾於武當修禊遊震雷者則惟以上已四月八日浴佛端午角黍泛蒲兒女繫長命縷簪艾葉榴花六月六日曝衣七夕乞巧中秋設瓜果酒餅九月重九登高插萸糕酒相勞臘八作解粥二十四日先一日禮送竈神除夕焚朮栢爆竹貼花勝聚飲守歲詰朝饌長命菜卽馬齒莧飲屠蘇酒自少而長

續志曰中州其風樸畧矧汝墳被文王之化信陽又重以申伯柔惠之教者哉按前志所載固已無採蘭贈芍之風粵自兵燹後抑唯是伏臘饗殮之是急何暇歌銅蹄弄潮汐乎雖然昔也徑竄是恥今也招搖昔也冠履秩如今也倒置昔也節嗇是崇今也狼戾江河日下

安抵哉夫上行爲風下習成俗幸司風者古道是敦當有奉青蘋之末而靡焉者

重印信陽州志卷之二

重印校對

羅山黎國華燦然  
鄉紳鄭謙毅彥沖

建置志

粵自主者設險守國而列郡分邑首務築鑿其爲民社計者至深遠矣立文廟以崇師儒公署以蒞政治祠壇以妥神靈倉儲廩市驛廐舖遞以及養濟之恤羣黎營堡之謹斥堠詎非闕一而不可者乎因詳載之志建置

城池

州舊惟土城元末汝穎兵起燹轍更甚明洪武十三年千戶張用展拓舊址外甃以甃內實以土高三丈厚一丈週圍九里三十步樓櫓月城警舖甚具成化十四年守備李權於各門外增護垣弔橋然雉堞頗痺流賊屠吳房柏舉時人情洵懼正德八年兵憲齊公河首議增築未彊半而去閻公欽繼之又三年落成則十年冬也何大復公景明爲記城形如船東門名望京後易曰震門南門名鎮遠後易曰



郢門西門名望堅後易曰瀾門北門名望淮後易曰淮門瀾門去郢門稍遠增一小南門向封以土萬曆二十二年兵憲王公任知州朱家法詢謀而啟之顏其樓曰群山拱秀且以便樵汲焉歲久飢餓善毀葺或不以時遂分西北屬州東南屬衛城旣而瀾西北東濟爲隍廣深不等皆丈有尋云崇禎十四年獻賊乘夜襲城城陷屠民十之七八官署民舍咸盡於燼驅未盡婦穉拆毀垣堞其時城之短者不及肩汝陽主簿吳公士伸來視州篆督率有方不數月垣堞頓還舊觀樓櫓未暇及也至順治之十年兵憲管公起鳳郡守高公天爵始建四門樓輪奐屹然矣迨今十六年西城圯數十丈郡守王公廷伊督修之堅厚有加云

康熙四十五年西門南偏城傾數丈雍正七年郡守郭公士英監修乾隆四年郡守朱公汝琳重建四門譙樓

道署

兵巡道署在州治東南洪武十五年分置南汝道時建行署成化十四年知州江公貴修弘治八年以分巡駐劄復大修嘉靖來兼兵備

撫民次第重修既而顧公鐸焦公璉楊公準楊公吉杜公格范公倌黃公煒宅內益加修建逮崇禎辛巳火於寇謝公允於順治初年重爲修建陳公聯璧彭公爨宋公牧民踵制修葺如初康熙六十一年李公承祖以署地窪濕改建舊署東規模宏敞壯麗輝煌至今巍然一重鎖焉

大堂五楹

東皂隸房五楹

西茶房五楹

儀門五楹

東土地祠三楹

西迎賓館三楹

頭門五楹

東快班房三楹

西軍牢房三楹

東鼓樂樓

西鼓樂樓

東轅門

西轅門

二堂五楹

穿廊三楹

簽押房三楹

內書房三楹

寢宮五楹

東西廂房五楹

文卷房五楹

聞喜堂五楹

廚房五楹

馬王廟三楹

馬棚十楹

圍房十楹

關帝廟 在署東

府廳 在舊署大門左今廢

州廳 在舊署大門右今廢

文武爲憲坊 在署前今廢

鐘樓一

旗臺二

秩秩堂 在署內

五桂亭 在署內

察院行臺 在州治東南知州高公天爵傅公登榮重修今廢

新察院 在州治東今廢

布政分司 在城隍廟西今廢

州署

州治故在城北隅偏東即今慈氏寺元末毀於兵明洪武十年知縣孫公讓

改而西即今治制僅草創成化二年知縣武公志學重建十五年江公貴

修且拓焉嗣是或改或增遞有營繕逮經寇焰咸歸一炬順治初知

州龐公宗理始營正堂六曹廊暨後宅數楹厥後高公天爵傅公登榮王公以觀李公廷基相繼增修迺如制

正堂五楹

知州楊若梓重建顏曰保赤堂一統志云柔惠堂取中伯柔惠且直之義

茶

廳 在正堂左今廢

咸喜堂

在正堂後取中伯周邦成喜之義

瑚璉堂

在正堂西

知州宅

內有相公園兩相堂舊爲唐統崇宋范純仁二牧遊息處故名今

後樂樓

在知州宅後徐樞建取先憂後樂范文正公記中語今廢

露臺

在正堂前

積貯庫

舊在東張光遠建今在正堂東一間

軍器庫

舊在臺西張光遠建今在正堂西北半間

東房

在正堂西南半間

架閣庫

吏房

戶房

禮房

戶南房

五曹在甬路東

承發司

兵房

刑房

工房

舖長房

五曹在甬路西

戒石亭

在東西兩曹中有落星石上書爾俸爾祿民脂民膏下民易虐上天難欺

快手房

在東曹南

皂隸房

舊在露臺旁知州馮原改修西曹南

儀門

在快皂房南

土地祠

在儀門東

蕭曹祠

三楹在土地祠後知州馮原重修

獄所

在儀門西

譙樓

在儀門南武公志學建江公貴重修李公元齡增修匾曰大觀卽大門

馬厰 在土地祠蕭曹祠東

照壁 在極南知州馮原重修

儀門 以內西判官宅再西吏目宅兩宅後附吏舍數十間今廢

大門 以外左申明右旌善二亭各輔以榜房今廢

州判署 在平昌關雍正八年新建

吏目署 在東街賃民居

驛丞署 在明港辟乾隆元年建

守備署 在州治東係州判署雍正九年改建

學宮 在州治東

儒學舊制至正間蕩於兵燹洪武四年州同知向師誠訓導董伯益  
移建信陽軍故址蓋今學也由永樂以迄萬曆知縣胡公壽安李公  
澄教諭余能知州江公貴鄭公懋德僉事孫公孟舉遞有增修其大  
興土木次第完繕則副使焦公璉知府王公崇古知州鄒公察楊公  
若梓掌教文立綸爲最著寇變後我

國朝捐俸助修者觀察則陳公聯璧管公起鳳孫公籀彭公燠項公一

經知州龐公宗理高公天爵傅公登榮陳公其政葉公爾茂越今數十年無特建亦歷有補葺

大成殿五楹

順治七年兵燹道陳聯壁知州龐宗理重建

東廡八楹

今改爲五楹

西廡八楹

今改爲五楹

戟門三楹

今增爲五楹

泮池

在戟門前

名宦祠三楹

鄉賢祠三楹

樞星門三座

義路坊

在樞星門左今毀

禮門坊

在樞星門右今毀

金聲坊

在大成門左原無康熙二十年添修

玉振坊

在大成門右原無康熙二十年添修

大成門

原無康熙二十年添修



照壁

下馬牌二座 在照壁東西

明倫堂五楹 康熙十二年巡道孫論知州陳其政重修

進德齋六楹

修業齋六楹

尊經閣 在明倫堂後今廢

敬一亭 在明倫堂後今廢

啓聖祠三楹 今增爲五楹 在明倫堂後康熙二十年巡道項一經彭贛州牧陳其政

土地祠三楹 在大成殿東

神厨三楹 在大成殿西

學正訓導宅 在東西齋後

學塘 在西廡後舊射圃地

書院

義陽書院 在城南今廢

瑚璉書院 舊止田課貳拾畝石零地租錢肆千零交得在內乾隆七年知州馮原楨  
教五里店加增田課拾貳石地課錢貳拾叁千貳百零

五里店社學

田課拾玖石玖斗租錢叁拾壹千叁百內除交糧錢柒千柒百止餘膏火錢貳拾叁千陸百

平昌關社學

租錢拾壹千零

祠壇

文昌祠

在學宮大成殿東

子貢祠

在北門外

性道堂三楹

東廂房三間配房五間

西廂房三間配房五間

前門房三間

左右兩耳門門外爲君子亭

亭外爲沼

夏月荷花最盛

沼外爲鳶飛魚躍亭

今廢舊址存時兩亭相望一沼中隔有橋橫波上今廢

東爲憑虛閣

又東爲射圃有亭

今廢址存 康熙三十五年 道憲羅公壽文現重建

申伯祠

今廢

岳忠武鄂王祠 在州治東

何大復祠 在州治東今廢

名宦祠

在學宮戟門內  
明監司寇公河內  
知州公志安  
知州公志學  
知州公崇  
知州公崇  
知州公崇  
知州公崇

知州公崇  
知州公崇  
知州公崇  
知州公崇  
知州公崇  
知州公崇

鄉賢祠

在學宮戟門內  
張公陳西提學  
使何景明  
陝西參政  
右僉都御史  
孟洋  
監御史  
贈光祿  
卿馬

國子司業  
王祖誥  
光祿寺少卿  
何景明  
陝西參政  
右僉都御史  
孟洋  
監御史  
贈光祿  
卿馬

中府理刑  
何景明  
陝西參政  
右僉都御史  
孟洋  
監御史  
贈光祿  
卿馬

忠義祠三楹

在學宮  
後漢屬將軍  
公傅彤  
明孝廉  
義烈公石元  
榮  
指揮使  
殉忠公蔣嘉元

遼州守  
殉忠公李呈  
章  
孝廉  
義烈公黃文  
棟  
大理寺卿  
義行錢守廉  
真定

節孝祠三楹

在州治東  
正四年  
建前有節孝坊  
內祀明守節  
周氏  
指彈王璵  
妻  
守節

河氏  
王鳳  
徵  
妻  
貞烈  
張氏  
生員  
李呈  
秀  
妻  
殉節  
辛氏  
生員  
蔡人俊  
妻  
守節

劉氏  
遼州公李呈  
章  
元配  
殉烈  
高氏  
生員  
李呈  
章  
妻  
殉節  
張氏  
生員  
湯文灼  
妻  
殉節

員  
高仁  
妻  
節孝  
胡氏  
張有  
諱  
妻  
烈婦  
郭氏  
呂國  
林  
友  
守節  
楊氏  
劉卜  
世  
妻  
烈

節郭氏  
生員  
曾首  
獲妻  
烈節  
符氏  
胡祺  
妻  
節孝  
陳氏  
劉洛  
源妻

孫公祠

在學宮西齋後  
舊射圃地  
監司孫公  
口攝建

先農壇

在東門外雍正五年建正殿三楹廡房各一間壇地肆畝分甸年收租七八石不等牛一隻農器全壇地四畔有界石祭時動支地租

社稷壇

在西門外雍正十年重建

按社者共工氏有子曰勾龍爲后土能平水土故祀爲社以報其功稷者厲山氏之子賈逵鄭玄云厲山炎帝之號帝王世紀神農本起烈山能殖百穀故祀爲稷以報其功

八蜡壇

祠字三間在西門外

按傳曰天子大蜡八伊耆氏始爲蜡蜡也者索也歲十二月合聚萬物而索饗之也陳氏禮書曰蜡之爲祭所以報本反始息老送終也祀之者非特八神也而所重者八以其尤有功於田故也其神之尊者非特先嗇也而主先嗇以其始有事於田故也鄭氏曰先嗇者神農司嗇后稷是也農田畷也爾雅曰畷農夫也謂傳是業以授之我者也曰郵表畷者畷井田間道也郵若郵亭表也者謂畫疆分理以是爲准也昔之人爲是而勞今我蒙之而逸蓋不得報也曰貓虎者謂能除鼠豕之害吾稼者也曰坊者謂昔爲隄防之人使吾禦水患者也曰水庸者謂昔爲畎澮溝洫使吾爲

早備者也曰昆蟲者先儒謂昆蟲害稼不當與祭乃易以百種是  
不然所謂昆蟲者非祭昆蟲也祭其除昆蟲而有功於我也記曰  
八蜡以祀四方年不順成八蜡不通以謹民財也

風雲雷雨山川城隍壇

在南門外雍正十年建

按風雲雷雨在天之神山川城隍在地之祇風俗通曰飛廉風伯  
也風師箕星也雨師畢星也又曰風行水上雷從地中傳曰無水  
曰城有水曰隍峙而爲山流而爲川易曰洊雷震又曰雷風不相  
薄水火不相射山澤通氣而天地定位各本陰陽之氣而山川者  
陰陽之流峙城隍者陰陽之融結無物無之則欲知萬物之終始  
不可不知陰陽之道故祀典所必崇焉

厲壇在北門外四里廟祭境內無祀鬼神

里社在各鄉村祀五土五穀之神

鄉厲在各鄉村祀里中無祀鬼神俱遵會典

街巷

承流

州前東

梅花巷

學東

宣化 州前西

大寺口巷

宣賢 學前

十字巷 大寺前

澄清 小集

倉衢街

勳業 塔南

馬家巷 白馬橋西

太清 大集

熏皮巷

德化 道前

夏家井巷

鎮遠 南門裏

十字衢街 東門南

聚商 南關上

丁字巷 劉家塘北

練武 南關下

劉家塘巷

迎恩 北關

孟家衢街 南門內西

時邑 西關

月牙塘巷 南門內

南大十字街

北大十字街

東大十字街

岳王廟街

南小十字街

鮑家街 州治東南

牌坊

五舉坊

弘治戊午何景明戴誼何景揚袁鎔劉節

弘治辛酉吳道純馬錄孟洋馬鏞胡瓚  
正德癸酉朱廉張潤何士張鄂朱錦

正德丙子樊勳張德劉祚劉榮胡來庭  
嘉靖辛酉胡秉性高大成周繼文何洛文王應文

司諫坊

正德八年爲工科給事張雲立

錦衣坊

正德壬午年爲姚志學立今圯坊柱爲至聖殿柱

進士坊

嘉靖元年爲葛蘭立

御史坊

嘉靖十年爲孟山立

廣威將軍坊

嘉靖十二年爲翰林檢討王祖嫡父僉事王詔立

勅贈坊

嘉靖十三年爲舉人劉祚父劉深立

進士坊

嘉靖十六年爲樊騰立

戶科給事坊

嘉靖己丑爲王納言父汝楫立今圯

四級坊

嘉靖戊戌年爲張雲立

進士坊 嘉靖三十年爲董威立

啟沃親臣坊 萬曆二年爲何洛文立

豸史坊 萬曆五年爲御史胡秉性立平昌關亦建有坊

兄弟翰林坊 萬曆七年爲檢討何洛書侍讀何洛文立

監察御史坊 萬曆十五年爲御史董威父董呆立

解元坊 嘉靖辛酉科爲何洛文立

子貢祠坊 康熙三十七年巡道程文現建

### 鄉村

鄉十有八

在城 天目 長台 中山 孟鳳 安仁 新色 上 安義 下

安禮 安智 安信 新安 常安 青山 靈山 查山

鳳凰

順治三年改爲十鄉

在義 天仁 長常 青新 忠信 孟禮 查智 鳳靈

新上 新下



今刪去新上添衛上衛中衛下爲十三鄉  
村二十有七

東路

梅黃村

龍井村 屬天仁

洋河村 屬常長

蕭王村 屬忠信

赤土村 屬青新

衛東村 上下

五里村 屬衛上

南路

譚河村 屬在義

丹谷村 屬孟禮

夏涼村 屬衛中

八家村 屬新下

衛南村 屬鳳靈

西路

申新村 屬在義

灌塘村 屬在義

羊山村 屬常長

青河村 屬忠信

平昌村 屬青新

馮河村 屬查智

山河村 屬鳳靈

衛西村 屬衛中

北路

長台村 屬天仁

阜陽村 屬常長

董白村 屬新下

閩營村 屬新下

黃家村 屬孟禮

明港村 屬查智

衛北村 屬衛下

白馬村 今無

上明村 今無

集舖

四關新街五處按月輪流四鄉集店各有定日

東路

鍾山店 赤土店 五里店 龍井店 洋河店 梅黃店

龍來店 洋河店

增九家店 顧家店 永興店 辛家店 平河店 二十里河店

蕭曹店 蕭王店

南路

下梁店 鷄公店 八家畷 馬家畷 譚家店 山塘畷

馮家庄

增王家崗 雙河店 彭家灣 柳林店 李家寨 雙河口店

王家店

西路

洋山舖 游河店 平昌關 趙庄舖 新興店 董家灣

申陽臺

增和孝營 出山店 陳家店 尙家河店 查山店 王家崗

長安店 吳家店 駱駝店 楊家河店

北路

雙井店 阜陽店 長臺關 盧岡店 十字港 黃家寨

明港店

增五紀屯 三官廟 新店 胡儲店 胡辛店

舖遞十有八

總舖 州門東

北路

土門舖 十五里 出山舖 三十里 長台舖 四十五里 十字港舖 七十里

華皮舖 八十里 明港舖 九十里

西路

洋山舖 三十里 青淮舖 四十五里 乾明舖 七十里 長岡舖 九十里

趙庄舖 一百二十里

南路

青石橋舖 三十里 閔城舖 七十里

東路

鍾山舖 三十里 赤土舖 四十里 洋河舖 四十里

新色寺舖 七十里以上村舖強半坵墟徒屬關上之駿矣

關梁

平昌關 西七十里漢爲平氏縣南齊爲平昌縣崇禎十三年虜生胡養蒙倡義修城有傳

黃土關 西南六十里東接三關首尾相顧之地

平靖關 南九十里淮南子曰天下九塞陝阨其一又曰恨這關以關聖得名

武勝關 雞公山南卽古武勝直轄之道稍東南曰樺子冲曰牛心山

大埠關 東 三十五里在鳴牛村舊設巡檢司今廢

長臺關 正北五十里 十八里河 北十八里

花石橋 東三十里 水城橋 城外東南隅 南訛橋 南三里

倒石橋 東南五里 十三里橋 南十三里 十八里橋 東十八里

青石橋 南三十里 雙溪橋 北二十里 教軍場橋 東二里

大拱橋 東二里 小拱橋 東一里 紅羅橋 南五十里

十字港橋

北七十里

洋河橋

東北四十里

無碑橋

西南七十里

王家墳橋

東七里竹里王公墓前山河一道自東北迤邐而來會瀉

龍井橋

東北六十里

明港橋

北九十里

瀨河渡

南門外

洋山渡

西北三十里通桐栢

長臺渡

北五十里通京大道

寺觀

城隍廟

在道署後僧通傳歷年募修

東天心廟

離城三里

東嶽廟

在城內東南隅

東十八里廟

文昌閣

在慈氏寺西

三神廟

城西三里

慈氏寺

城內東北洪武年建

十王殿

城南三里

關帝廟

即田家廟春秋大祭

白衣菴

城南三里

三仙菴

在塔街東

程家堂

城南三里

如意堂

在北關

紫霞觀

京門內嘉靖年重修乾隆五年知州朱汝琳捐修乾隆七年知州馮原捐倡暨生

福慧菴

隍廟西乾隆九年僧通傳募化同會修正殿三楹

玉皇閣

在南門內

北十八里廟

倒坐觀音堂

在施家街東南明司李何公建

湧泉寺

東南三十里

周福庵

俱在施家街明監察御史公建

鐵佛寺

南四十里

魯班廟

在隄廟後

寶峯寺

水月庵

在南關

董峯寺

西南五十里

三官廟

彌勒寺

火神廟

東南郭外兵憲管公起鳳知州高公天爵建

五顯廟

東南郭外知州傅公登榮建

白塔寺

文昌樓

今燬

靈山寺

東南七十里

藥王廟

東南郭外兵憲宋公牧民知州王公廷伊前任兵憲陳公聯璧協力創建

青蓮庵

城東臨濟宗無礙禪師建其東有靈骨塔

開元寺

東白衣庵

在大拱礮旁

赤碑寺

東北八十里

雙林寺

城東南五里

響水寺

西十里

鷄鳴寺

南二十里

古城寺

豺狗廟

州治西五十餘里張維五創建時虎豹傷人有豺狼護之故名今改爲白衣菴

賢隱寺

又曰賢首寺在城西南七里順治五年兵憲陳公聯璧捐俸重修大殿三楹

乾叨寺

西北七十里雍正二年祥一和尚重化歲經樓五楹乾隆十年四代孫覺朗募化大殿寮舍數楹二碑在寺

卓斧寺

城西五十里

廣佛寺

龍泉寺

又曰龍旋寺城南五十里

白馬寺

北五十里

普濟寺

城南六十里

雲臺觀

西五十里

白雲寺

明司李何公建

雲水寺

城南六十里

圓通寺

南一百里

聖泉寺

城南七十里

慧蔭寺

城西北一百二十里

月停寺

東五十里

竹青寺

祖師廟

城西南九十里

梅黃寺

申陽寺

大覺寺

西觀音寺

金台寺

石碑寺

舊志曰白馬青牛吾儒所不道也然自漢梁以來寶刹珠宮鱗絢藻繡猥云廬其居火其書哉聖人以神道設教民可使由不可使知彼其清淨無爲之旨能令具根性人尋向而上因緣果報之說又能令彊獷不逞之徒目攝魂搖而不敢犯是謂化外之化何論震且何論流沙之西彼固自岐於吾道外而歷代開國聖人實包入吾道中耳

倉廩

常平倉共二十九間

新建監倉二十間

在州署西側知州馮原建

一常平倉谷

白康熙二十一年起至乾隆十年止貯谷一萬二千四百五十三石八斗一升零

一 漕谷

雍正三年分在司庫領銀採買奏請酌更等事案內買貯漕谷六千五百四十石

一 義社倉谷

共谷五十八石三斗一升

一 各村鎮勸捐社倉谷

自雍正二年奉文勸捐起至乾隆十年止共貯谷一千八百九十六石五斗八升零

郵政

州城額設驛馬九十二匹遇差照依

兵部勘合發給

馬王殿三楹馬厰二十七間

明港驛額設驛馬七十匹遇差照依

兵部勘合發給

馬王殿三楹

郵政

普濟堂

瓦草房三十間建州城南門外

交鹽當店生息銀四百七十兩

典民衛地五十二畝五分

荒地二頃七十三畝五分八毛

續奉 文撥入堂內地一頃六十一畝七分五厘五毫

歲收典課二十五石五斗



歲收佃糧六十九石一斗二升五合

歲收租錢九千八百七十文

貧民隨時取養每名每日支給口糧銀一分至冬各給棉衣銀四錢

養濟院

草房十三間建州城西門外

額設孤貧三十五名每名每月口糧銀三錢小建扣除至冬各給布衣銀四錢

營房

南路十一座北路八座向係草房土墩易於傾圮乾隆五年知州馮原奉文改建瓦房磚墩每座正房五間廂房各三間官廳一間墩臺一座烟墩五座木界牌一座乾隆十三年知州張鉞各座重修

十三里橋營房墩臺一所 八家堰營房墩臺一所

雲盤堰營房墩臺一所 鐵佛寺營房墩臺一所

高廟營房墩臺一所 凌家崗營房墩臺一所

吳家河營房墩臺一所 彭家灣營房墩臺一所

李家寨營房墩臺一所

武勝關營房墩臺一所

平靖關營房墩臺一所

十八里廟營房墩臺一所

馮家窪營房墩臺一所

阜陽店營房墩臺一所

長臺關營房墩臺一所

楚王城營房墩臺一所

三官廟營房墩臺一所

明港營房墩臺一所

藍家店營房墩臺一所

教場軍教場在城東南二里  
民教場在城西關二里

演武廳

將臺一座

按建邦分邑營作是興昭其備也申爲楚豫要衝五代以還兵革疊起遷徙靡常刁弊殘缺由來久矣至明季遭闖禍城陷之後廡宇廬舍悉歸於燼凡所建設蕩然無存我

朝定鼎臨制區夏百有餘年無雞鳴犬吠之警而守土者得以修廢起敝次第而新之凡城郭公廡學序倉庾壇壝營驛及市堡坊楔贖卹之屬無不興舉規模制度悉加於舊巍然爲中原鉅郡焉然而多歷年所仍有傾頽之患是在籌桑土者預爲綢繆之計耳



重印信陽州志卷之三

重印校對

羅山黎國華燦然  
鄉紳鄭謙穀彥沖

食貨志

洪範八政食貨居先以其爲養生要務也故賦稅之贏細戶口之登耗國脉民生係焉今者生齒日繁物產益茂丁地合一酌肥瘠而定章程以及鹽引雜稅皆有經制釐然備具太平景象繪於茲矣志食貨

戶口

信陽州民丁原額一則人丁壹萬叁千伍百捌拾壹丁內除逃亡人丁陸千捌百肆拾貳丁

現在人丁陸千柒百叁拾玖丁照依

部頒賦役歸入地畝內壹條鞭派徵並無另徵丁銀

順治十三年編審新增人丁叁百伍拾伍丁

康熙元年編審新增人丁叁百玖拾丁

康熙五年編審新增人丁壹百玖丁

康熙十年編審新增人丁拾玖丁

康熙十五年編審新增人丁貳百叁拾陸丁

康熙二十年編審新增人丁肆百捌拾丁

康熙二十五年編審新增人丁肆百貳拾陸丁

康熙三十年編審新增人丁肆百伍拾丁

康熙三十五年編審新增人丁肆百捌丁

康熙四十年編審新增人丁叁百貳拾伍丁

康熙四十五年編審新增人丁叁百叁拾叁丁

康熙五十年編審新增人丁貳百陸拾玖丁

康熙五十二年五月准 戶部咨爲欽奉

恩詔事內開嗣後遇編審之期察出增益人丁止將實數造冊奏聞其徵收錢糧但據康熙五十年丁冊定爲常額續生人丁永不加賦欽遵

在案

康熙五十五年編審新增人丁除頂補開除老故人丁外

盛世滋生戶口人丁貳百捌拾丁

康熙六十年編審新增人丁除頂補開除老故人丁外

盛世滋生戶口人丁叁百肆拾伍丁

雍正四年編審新增人丁除頂補開除老故人丁外

盛世滋生戶口人丁叁百伍拾丁

雍正九年編審新增人丁除頂補開除老故人丁外

盛世滋生戶口人丁叁百壹拾柒丁

乾隆元年編審新增人丁除頂補開除老故人丁外

盛世滋生戶口人丁貳拾玖丁

乾隆六年編審新增人丁除頂補開除老故人丁外

盛世滋生戶口人丁叁拾丁

乾隆拾壹年編審

原額一則人丁壹萬叁千伍百捌拾壹丁內除逃亡人丁叁千肆拾

貳丁

見在人丁壹萬伍百叁拾玖丁照依部頒賦役歸入地內一條鞭

派征並無另征丁銀新增人丁除頂補老故人丁外

盛世滋生戶口人丁伍拾貳丁

收併信陽衛

原額丁銀無今照見在丁銀準額

見在人丁捌百貳拾捌丁各丁征銀不等共征丁銀壹百玖拾玖兩叁錢肆毫七絲

順治十三年編審新增人丁壹拾貳丁增丁銀壹兩陸錢玖分捌厘柒毫肆絲

康熙元年編審新增人丁壹拾丁增丁銀伍錢壹分壹厘伍毫壹絲

康熙伍年編審新增人丁壹拾貳丁增丁銀壹兩捌錢肆分伍絲

康熙十年編審新增人丁玖丁增丁銀貳兩伍分陸厘壹毫

康熙十五年編審新增人丁伍丁增丁銀貳兩玖錢玖分玖厘伍絲

康熙二十年編審新增人丁陸丁增丁銀壹兩玖錢八分肆厘伍毫柒

絲

康熙二十五年編審新增人丁貳拾五丁增丁銀叁兩五錢肆分玖厘

捌毫式絲

康熙三十年編審新增人丁式拾柒丁增丁銀叁兩柒錢伍分叁厘五

毫五絲

康熙三十五年編審新增人丁式拾式丁增丁銀叁兩叁錢捌分五厘

壹毫

康熙四十年編審新增人丁式拾肆丁增丁銀叁兩柒錢肆分壹厘壹

毫

康熙四十五年編審新增人丁式拾式丁增丁銀肆兩柒錢壹分五厘

式毫捌絲

康熙五十年編審新增人丁式拾五丁增丁銀肆兩陸錢肆分捌厘五

毫陸絲

康熙五十五年編審奉 文續生人丁永不加賦新增人丁除頂補老

故人丁外

盛世滋生戶口人丁式拾陸丁

康熙六十年編審新增人丁除頂補老故人丁外



盛世滋生戶口人丁貳拾捌丁

雍正四年編審新增人丁除頂補老故人丁外

盛世滋生戶口人丁叁拾壹丁

雍正四年奉

旨以一邑之丁銀攤於一邑地糧之內不分等則一例輸將並無另徵丁銀

雍正九年編審新增人丁除頂補老故人丁外

盛世滋生戶口人丁貳拾捌丁

乾隆元年編審新增人丁除頂補老故人丁外

盛世滋生戶口人丁貳拾玖丁

乾隆陸年編審新增人丁除頂補老故人丁外

盛世滋生戶口人丁貳拾玖丁

乾隆十一年編審

原額丁銀無今照見在丁銀準額

見在四則人丁壹千貳拾柒丁各丁徵銀不等共徵丁銀貳百叁拾

肆兩壹錢捌分叁厘玖毫係一邑之丁銀攤於一邑地糧之內不分等則一例輸將並無另徵丁銀內分

上則人丁貳百壹拾五丁每丁徵銀三錢四分共徵丁銀七十三兩壹錢

中則人丁叁百零捌丁每丁徵銀貳錢叁分共徵丁銀柒拾兩捌錢肆分

下則人丁肆百壹拾肆丁每丁徵銀壹錢七分捌厘共徵丁銀七十兩六錢九分貳厘

下下則人丁九十丁每丁徵銀壹錢八分三厘九毫壹絲共徵丁銀拾陸兩五錢五分壹釐九毫

新增人丁除頂補老故人丁外

盛世滋生戶口人丁貳拾伍丁

新收更名

康熙三十五年分

更名原無人丁亦無丁銀

康熙三十五年編審新增人丁肆拾陸丁照依民丁部頒賦役歸入地

內一條鞭派徵並無另徵丁銀

康熙四十年編審新增人丁無

康熙四十五年編審新增人丁肆拾陸丁

康熙五十年編審新增人丁壹拾捌丁

康熙五十五年編審新增

盛世滋生戶口人丁壹拾玖丁

康熙六十年編審新增

盛世滋生戶口人丁貳拾貳丁

雍正四年編審新增

盛世滋生戶口人丁貳拾五丁

雍正九年編審新增

盛世滋生戶口人丁二十八丁

乾隆元年編審新增

盛世滋生戶口人丁二十八丁

乾隆六年編審新增

盛世滋生戶口人丁式拾捌丁

乾隆拾壹年編審

見在人丁壹百壹拾丁照依民丁

部頒賦役歸入地內一條鞭派

征並無另征丁銀新增

盛世滋生戶口人丁式拾式丁

州屬民丁原額丁銀無亦無準額丁銀新增人丁已於康熙五十二

年欽奉

恩詔永不加賦見在征賦人丁壹萬五百叁拾玖丁更名原無人丁亦無

準額丁銀康熙八年四月內新收舊管人丁亦於康熙五十二年欽

奉

恩詔永不加賦見在征賦人丁壹百壹拾丁以上民丁更名二則丁銀雍

正四年奉

旨仍照賦役舊例歸入地內一條鞭派征並無另征丁銀其衛地分爲四

則人丁共征丁銀式百叁拾肆兩壹錢捌分叁厘玖毫除足額外內

有逾額人丁式百叁拾丁逾額丁銀肆拾壹兩五錢柒厘玖毫玖絲  
遵照雍正四年十二月內

題准 部覆就本衛之丁糧仍派於本衛地糧之內無論紳衿富戶不分  
等則一例輸將並無另征丁銀

### 田賦

信陽原額田地肆千式百肆頃叁拾式畝柒分陸厘壹毫肆絲柒忽  
原額並加價共銀壹萬柒千叁兩式錢五厘式毫陸絲九忽九微式  
織九沙九塵九埃陸渺式漢五灰

又萬曆年間每畝加增銀九厘共計加增銀叁千柒百捌拾叁兩捌  
錢九分四厘八毫五絲叁忽式微叁織

二共原額銀貳萬柒百捌拾柒兩壹錢壹毫式絲叁忽壹微五織九  
沙九塵九埃六渺式漢五灰每畝照賦役則例派銀肆分玖厘肆毫  
肆絲二忽壹微五織壹沙壹塵柒渺五漢

遇閏加額銀肆百七十七兩六錢四厘八毫九絲九忽九微九織每  
畝照則例派銀壹厘壹毫叁絲五忽九微八織四沙二埃三渺五漢

內

順治三年正月內 巡按甯 具題奉

旨免荒徵熟

除無主荒地壹千柒百玖拾貳頃叁拾畝柒毫肆絲貳忽

除荒銀捌千捌百陸拾壹兩伍錢壹分柒厘叁毫伍絲伍忽肆微叁

織玖沙玖塵玖埃陸渺貳漢伍灰

順治三年奉

旨免荒徵熟則凡墾首地畝應自順治四年逐一詳列但順治三年後康熙九年前按地畝核算惟查有舊墾地捌拾五畝捌分壹厘五毫而至遞年報墾陸科自首欺隱荒熟冊卷年遠無存無從查考茲列墾首地畝自康熙九年始

康熙九年墾地五十六畝

康熙十一年墾地壹百壹拾陸頃捌拾肆畝捌分柒厘柒毫

康熙十七年自首地肆拾壹頃柒拾柒畝貳分墾地捌拾壹頃貳拾伍

畝七厘七毫

康熙三十二年自首地叁頃二十三畝八分

康熙三十三年自首地七頃壹拾叁畝五分

雍正五年自首地捌頃三十九畝六分四厘六毫

雍正六年自首地六十六頃四十七畝六厘九毫

雍正七年自首地壹頃二十八畝三分

雍正八年自首地叁頃叁畝二厘壹毫

雍正十一年自首地壹拾柒頃五十畝九分八厘

雍正十二年墾地三十一畝四分五釐二毫

雍正十二年老荒地五十四畝三分六釐三毫夾荒地捌頃一十七畝

四分

雍正十三年夾荒地六頃三十六畝七分

以上墾首共地叁百六十二頃八十九畝三分八釐五毫

現種成熟地通共式千四百一十二頃二畝七分五釐四毫五忽內

除

康熙九年起至雍正十三年止墾首地三百陸拾二頃八十九畝三分

捌厘伍毫每畝照依賦役則例派銀肆分玖厘肆毫肆絲式忽壹微伍纖壹沙壹塵柒渺伍漠

共派銀壹千柒百玖拾肆兩貳錢貳分伍厘

又該插顏料等項派銀貳拾肆兩伍錢肆分叁厘肆毫

式項共該銀壹千捌百壹拾捌兩肆錢肆分捌厘肆毫用充兵餉

舊管應徵起存倉口熟地貳千肆拾叁畝陸分捌厘壹毫伍忽

新入雍正十三年老荒地伍頃伍拾玖畝陸分捌厘捌毫

新舊應徵倉口共熟地貳千肆拾玖頃壹拾叁畝叁分陸厘玖毫伍

忽每畝照依賦役則例派銀肆分玖厘肆毫肆絲式忽壹微伍纖壹

沙壹塵柒渺伍漠

共派銀壹萬壹百叁拾壹兩叁錢伍分柒厘柒毫陸絲柒忽柒微貳

纖其本色芝麻顏料牛角等項俱係壹條鞭派徵銀兩並無另徵本

色內除紳衿吏停免糧銀叁百玖拾叁兩陸錢照數另行扣解

實徵地銀玖千柒百叁拾柒兩柒錢伍分柒厘柒毫陸絲柒忽柒微



式織

一折色起運原額銀壹萬叁千肆百柒拾兩叁錢捌分叁厘壹毫肆絲捌忽式織玖沙玖塵玖埃陸渺式漢伍灰

除荒實徵銀陸千肆百伍拾肆兩伍錢柒分捌厘伍毫捌絲捌忽柒微式織

存留項下裁扣裁剩並應戔雜款原額銀叁千伍百玖拾兩伍分肆厘肆毫玖絲伍忽玖微柒織除荒實徵銀壹千柒百玖拾玖兩壹錢玖厘柒毫外扣解停免糧銀叁百玖拾叁兩陸錢

一本色起運原額銀陸百玖拾肆兩式錢叁分肆厘玖毫陸絲柒忽除荒實徵銀肆百叁拾捌兩玖分柒厘肆絲伍忽又奉

部交外補徵顏料藥材等項共銀壹百叁拾捌兩伍錢捌分柒厘玖毫貳絲陸忽伍微陸織貳沙伍塵照依本年行糧熟地每畝派銀陸毫柒絲陸忽叁微貳織肆沙肆塵柒埃肆渺壹漢壹灰內分

戶部本色起運供用庫本色芝麻陸石壹斗陸升每石價銀壹兩伍錢帑價銀伍錢於康熙四十五年三月內奉 文改解折色實徵額

價銀壹拾貳兩叁錢貳分於康熙二十四年正月內遵奉

部文減定價值每石價銀壹兩該銀陸兩壹錢陸分帮價銀伍錢共該帮價銀叁兩捌分

餘剩銀叁兩捌分

供用庫本色黃蠟捌百捌拾肆斤拾壹兩伍錢每斤價銀貳錢共銀壹百柒拾陸兩玖錢肆分叁厘柒毫伍絲內改折黃蠟貳百肆拾貳斤肆兩貳錢照依順治十八年分

題定價值每斤價銀肆錢該銀玖拾陸兩玖錢伍厘除照賦役舊徵銀肆拾捌兩肆錢伍分貳厘伍毫仍該補徵銀肆拾捌兩肆錢伍分貳厘伍毫於雍正六年五月內奉 文停解

本色黃蠟陸百肆拾貳斤柒兩叁錢原估時價每斤價銀叁錢貳分該銀貳百伍兩伍錢捌分陸厘除照賦役舊徵銀壹百貳拾捌兩肆錢玖分壹厘貳毫伍絲仍該補徵銀柒拾柒兩玖分肆厘柒毫伍絲於康熙二十四年正月內遵奉

部文減定價值每斤價銀壹錢伍分伍厘該銀玖拾玖兩伍錢捌分

柒毫壹絲捌忽柒微伍纖該扣餘剩銀壹百陸兩伍厘貳毫捌絲壹忽貳微伍纖

丁字庫本色黃熟銅陸拾叁斤拾貳兩每斤價銀壹錢壹分叁厘鋪墊銀壹分陸厘共銀捌兩貳錢貳分叁厘柒毫伍絲內改折黃熟銅貳拾斤陸兩陸錢照依順治十八年分

題定價值每斤價銀貳錢肆分共該銀肆兩捌錢玖分玖厘除照賦役舊徵銀貳兩陸錢叁分叁厘式毫壹絲式忽伍微仍該補徵銀貳兩貳錢陸分伍厘柒毫捌絲柒忽伍微於雍正三年三月內奉 文停解

本色黃熟銅肆拾叁斤伍兩肆錢原估時價每斤價銀壹錢捌分該銀柒兩捌錢柒毫伍絲除照賦役舊徵銀伍兩伍錢玖分伍毫叁絲柒忽伍微仍該補徵銀貳兩貳錢壹分式毫壹絲式忽伍微於康熙二十四年正月內遵奉

部文減定價值每斤價銀壹錢壹分該銀肆兩柒錢陸分柒厘壹毫貳絲伍忽鋪墊銀壹分陸釐共該鋪墊銀陸錢玖分叁釐肆毫該扣

餘剩銀貳兩叁錢肆分貳毫貳絲伍忽

丁字庫本色紅熟銅貳拾貳斤玖兩於雍正三年三月內奉 文停解本色每斤價銀壹錢鋪墊銀壹分陸厘共該銀貳兩陸錢壹分柒厘貳毫伍絲原估時值每斤價銀貳錢貳分共該銀肆兩玖錢陸分叁厘柒毫伍絲除照賦役舊征銀貳兩陸錢壹分柒厘貳毫伍絲仍該補征銀貳兩叁錢肆分陸厘伍毫又康熙二十四年正月內奉 部文減定價值每斤價銀壹錢該銀貳兩貳錢伍分陸厘貳毫伍絲鋪墊銀壹分陸厘共該鋪墊銀叁錢陸分壹厘該扣餘剩銀貳兩叁錢肆分陸厘伍毫

臨清廣積二倉小麥改撥運軍行糧原額米貳百壹拾肆石肆斗叁升壹合每石價銀捌錢

共原額銀壹百柒拾壹兩伍錢肆分肆厘捌毫除荒實征米壹百叁石貳斗柒升捌合肆勺除荒實徵銀捌拾貳兩陸錢貳分貳厘柒毫貳絲

德州倉小麥折米奉 文改撥運軍行糧原額米叁拾陸石伍斗每

石價銀捌錢

共原額銀貳拾玖兩貳錢除荒實徵米壹拾柒石伍斗柒升玖合捌  
勺除荒實徵銀壹拾肆兩陸分叁厘捌毫肆絲

原額耗米叁石陸斗伍升除荒實徵米壹石柒斗伍升柒合玖勺捌  
抄遵奉

部文照依正米價銀每石捌錢共該補徵銀壹兩肆錢陸厘叁毫捌  
絲肆忽

崇府粳米原額壹拾肆石每石價銀壹兩

原額該銀壹拾肆兩除荒實徵米陸石柒斗肆升貳合玖勺除荒實  
徵銀陸兩柒錢肆分貳厘玖毫

崇府粟米原額貳百捌拾陸石每石連腳價銀陸錢伍分

原額共該銀壹百捌拾伍兩玖錢除荒實徵米壹百叁拾柒石柒斗  
肆升捌合柒勺除荒實徵銀捌拾玖兩伍錢叁分陸厘陸毫伍絲伍  
忽

禮部黃連奉 文改折藥材貝母原額銀肆拾玖兩肆錢捌分伍厘

肆毫壹絲柒忽

原額黃連壹拾陸斤陸兩除荒實徵黃連肆斤壹拾伍兩捌錢肆分玖厘壹毫伍絲除荒實徵銀貳拾叁兩捌錢叁分肆厘玖絲遵照康熙七年八月內

題定改折二分黃連叁斤伍兩貳錢叁分貳厘柒毫陸絲壹忽叁微照依原估時值每斤價銀伍兩柒錢肆分該銀壹拾玖兩玖分柒厘貳毫伍絲叁忽壹微壹纖陸沙叁塵柒埃伍渺於康熙十四年二月內奉 文改折一分黃連壹斤拾兩陸錢壹分陸厘叁毫捌絲捌忽柒微今照估值每斤價銀伍兩柒錢肆分該銀玖兩伍錢肆分捌厘陸毫貳絲玖忽肆微肆纖陸沙壹塵貳埃伍渺

二項共該銀貳拾捌兩陸錢肆分伍厘捌毫捌絲貳忽伍微陸纖貳沙伍塵除照賦役舊徵銀貳拾叁兩捌錢叁分肆厘玖絲仍該補征銀肆兩捌錢壹分壹厘柒毫玖絲貳忽伍微陸纖貳沙伍塵

工部本色起運弓拾壹張折牛角拾壹副每副折銀肆兩共該銀肆拾肆兩於康熙三十九年二月內奉 文停解本色除荒實征牛角

伍副貳分玖厘捌毫貳忽貳微伍纖除荒實征銀貳拾壹兩壹錢玖分貳厘玖絲於康熙二十四年正月遵奉 部文減定價值每副價銀壹兩該銀伍兩貳錢玖分捌厘貳絲貳忽伍微該扣餘剩銀拾伍兩捌錢玖分肆厘陸絲柒忽伍微

一存留原額銀陸千陸百貳拾貳兩肆錢捌分貳釐捌忽壹微叁纖除荒實征銀貳千捌百肆拾伍兩捌分貳釐壹毫叁絲肆忽修理

龍亭

文廟並各上司及本州經費原額銀壹千肆百伍拾貳兩玖錢陸分除荒實徵銀陸百陸拾柒兩伍錢柒分捌釐壹毫

河夫原額銀捌百陸拾肆兩肆錢捌分除荒實征銀叁百陸拾肆兩壹錢叁分伍釐玖毫

協濟驛站原額銀壹拾伍兩除荒實徵銀陸兩叁錢壹分捌釐叁毫本州驛站原額銀叁千叁百伍拾叁兩壹錢壹分叁釐除荒實徵銀壹千肆百壹拾貳兩叁錢玖分陸釐玖毫

支發雜項原額銀玖百叁拾陸兩玖錢貳分玖釐捌忽壹微叁纖除  
荒實徵銀叁百玖拾肆兩陸錢伍分貳釐玖毫叁絲肆忽

康熙八年四月內

新收更名原額地陸頃柒拾畝柒分柒釐內除荒地叁頃玖拾壹畝  
柒分

現種熟地二頃柒拾玖畝柒厘照民田一例起科照民田賦役則例  
除補徵顏料藥材等項不徵外每畝派銀肆分玖厘肆毫肆絲貳忽  
壹微伍纖壹沙壹塵柒渺伍漠共徵銀壹拾叁兩柒錢玖分柒厘玖  
毫

又更名原額地壹拾陸頃肆拾壹畝肆分陸厘伍毫內除荒地柒頃  
陸拾伍畝壹分玖厘伍毫

現種熟地捌頃柒拾陸畝貳分柒厘比照民田一例起科照民田賦  
役則例除補徵顏料藥材等項不徵外每畝派銀肆分玖厘肆毫肆  
絲貳忽壹微伍纖壹沙壹塵柒渺伍漠共徵銀肆拾叁兩叁錢貳分  
肆厘陸毫柒絲叁忽柒微伍纖



二項共徵銀伍拾柒兩壹錢貳分貳厘伍毫柒絲叁忽柒微伍纖遇  
閏加額銀壹兩叁錢壹分貳厘肆毫貳絲陸忽貳微伍纖

一收併信陽衛

原額小畝地伍千玖百叁拾壹頃叁拾柒畝玖分伍毫捌忽伍微  
原額銀壹萬叁百柒拾玖兩玖錢壹分叁厘叁毫叁絲捌忽玖微捌  
纖柒沙伍廩查本州民田係捌百陸拾肆步爲壹大畝每壹大畝派  
銀肆分玖厘肆毫肆絲貳忽壹微伍纖壹沙壹廩柒沙伍漢該衛地  
貳百肆拾步爲壹小畝比照民田更正賦役折算起科每小畝止該  
派銀壹分叁厘柒毫叁絲叁忽玖微叁纖捌廩陸埃叁沙壹漢尙虧  
舊額仍照舊例每畝壹分柒厘伍毫

實該原額銀壹萬叁百柒拾玖兩玖錢壹分叁厘叁毫叁絲捌忽玖  
微捌纖柒沙伍廩內順治三年正月 巡按甯具題奉

旨免荒徵熟

除無主荒地叁千陸百陸拾玖頃肆拾肆畝叁分貳厘捌毫捌絲捌  
忽伍微

除荒銀陸千肆百貳拾壹兩伍錢貳分伍厘陸毫貳絲伍忽肆微捌  
纖柒沙伍塵

乾隆元年九月內奉

旨除豁水冲地肆拾畝除豁銀柒錢

以上除荒並豁除共地叁千陸百陸拾玖頃捌拾肆畝叁分貳厘捌  
毫捌絲捌忽伍微除荒並豁除共銀陸千肆百貳拾貳兩貳錢貳分  
伍厘陸毫貳絲伍忽肆微捌纖柒沙伍塵

舊管熟地貳千貳百肆拾肆頃玖拾叁畝捌厘柒毫貳絲

新入雍正十三年老荒地壹拾陸頃陸拾畝肆分捌厘玖毫

新舊熟地共貳千貳百陸拾壹頃伍拾叁畝伍分柒厘陸毫貳絲每  
畝派銀壹分柒厘伍毫

共派銀叁千玖百伍拾柒兩陸錢捌分柒厘柒毫壹絲叁忽伍微外  
有肆則人丁共派銀貳百叁拾肆兩壹錢捌分叁厘玖毫除足額外  
內有逾額人丁貳百叁拾丁逾額丁銀肆拾壹兩伍錢柒厘玖毫玖  
絲遵照雍正四年十二月內

題准 部覆就本衛之丁糧仍派於本衛地糧之內無論紳衿富戶不分等則一例輸將計算並無另徵丁銀

丁地二項共實徵銀肆千壹百玖拾壹兩捌錢柒分壹厘陸毫壹絲叁忽伍微

以上民衛更名地俱於

順治三年正月內 巡按審具題奉

旨免荒徵熟又於

乾隆元年正月內 總理事務和碩莊親王等爲遵

旨議覆請除河南開墾貽累地方一案奉

硃批依議行飭地方各官據實詳報無庸回護前非更不必履畝查丈紛擾閭閻令該花戶等各將從前報墾不可耕之地自行首報詳請開除至其中有實可墾種者認墾承種按年起科無得絲毫擾累以體

皇上寬大之殊恩遵照在案業將

雍正二十三年新報老荒除難墾地詳明豁免外其已認墾承種

地畝俱按十年後限滿陞科

統計民衛更名丁地自康熙九年起到雍正十三年止一切勸墾自首老荒夾荒及原行糧地畝現在成熟共肆千陸百捌拾伍頃壹拾壹畝陸分柒厘貳絲伍忽

通共實徵銀壹萬陸千叁百叁拾柒兩柒錢捌厘貳毫捌絲壹忽伍微叁纖貳沙伍塵

解支

一解司丁地銀肆千餘兩

常年起解原無定額俱按每年間一切解支扣除外其餘剩銀兩歸入丁地起解用充兵餉合併登明

一解河道河夫銀叁百陸拾肆兩壹錢叁分伍厘玖毫

一解南陽營粳米銀陸兩柒錢肆分貳厘玖毫

一解信陽營粟米銀捌拾玖兩伍錢叁分陸厘陸毫伍絲伍忽

一解河道皂隸工食銀拾貳兩

一解南汝道舖兵工食銀拾貳兩

一解南汝道皂隸工食銀叁拾陸兩

一解驛道漕糧銀肆拾壹兩叁錢壹分壹厘叁毫陸絲

一解裁扣裁塘銀壹千叁百陸拾肆兩肆錢

一解黃蠟顏料水脚等項銀柒百肆拾玖兩伍錢柒分陸厘柒毫柒

微伍纖

一鄉飲二會支銀貳兩玖錢肆分捌厘伍毫

未經舉行隨年起解

一支修理

文廟銀肆兩貳錢壹分貳厘貳毫

一支

文廟二丁祭銀肆拾伍兩

一支

關帝廟春秋祭銀肆拾兩

一支 各壇廟祭祀銀貳拾捌兩柒錢叁分陸厘壹毫肆絲伍忽

一支本州知州俸銀叁拾叁兩陸錢玖分柒厘陸毫

一支門子工食銀拾貳兩

一支皂隸工食銀玖拾陸兩

一支馬快工食銀肆拾捌兩

一支馬快喂馬草料銀叁拾陸兩叁錢玖分叁厘肆毫

一支禁卒工食銀肆拾捌兩

一支轎傘扇夫工食銀肆拾貳兩

一支庫夫工食銀貳拾肆兩

一支斗級工食銀貳拾肆兩

一支兵快工食銀柒拾貳兩叁錢玖分叁厘肆毫

乾隆三年奉文在役食銀內撥給

一支作作工食銀貳拾肆兩

乾隆三年奉文在役食銀內撥給

一支本州州判俸銀拾捌兩玖錢伍分肆厘玖毫

一支州判皂隸工食銀叁拾陸兩

一支州判傘夫工食銀陸兩

一支州判籠馬夫工食銀陸兩

一支本州吏目俸銀拾叁兩貳錢柒分陸厘捌毫

一支吏目皂隸工食銀貳拾肆兩

一支吏目籠馬夫工食銀陸兩

一支學正俸銀肆拾兩

乾隆元年 恩給全俸

一支訓導俸銀肆拾兩

一支教官喂馬草料銀伍兩伍分肆厘陸毫

一支齋夫工食銀叁拾陸兩

一支門斗工食銀貳拾壹兩陸錢

一支廩生餼糧銀玖拾壹兩

一支膳夫工食銀肆拾兩

一支訓導改爲驛丞俸壹拾叁兩貳錢柒分陸厘捌毫

一支驛皂工食銀拾貳兩

一支弓兵工食銀玖拾陸兩

一支巡皂工食銀拾貳兩

一支孤貧月糧銀壹百貳拾陸兩

一支孤貧冬花布衣銀拾壹兩柒錢柒分玖厘叁毫伍絲

一支羊山長臺瀕河渡夫工食銀拾捌兩

一支譙樓更夫工食銀壹拾肆兩肆錢

一支吹手工食銀肆拾捌兩

一支一十八舖舖司兵銀伍百貳拾貳兩

一支民壯工食銀叁百貳拾兩

一支本州驛馬草料銀壹千陸百伍拾陸兩

一支本州驛馬夫工食銀捌百壹拾兩

一支本州橋擯夫工食銀柒百柒拾柒兩陸錢

一支本州醫獸工食銀柒兩貳錢

一支本州應付火牌廩糧銀叁拾肆兩肆錢叁分

一支本州買補倒馬銀叁百叁拾兩

一支本州修理號房槽鑿鍋油煮料柴薪藥材等項銀伍拾捌兩捌



錢

一支本州留四夫價銀伍百壹拾捌兩肆錢

一支明港驛喂馬草料銀壹千貳百陸拾兩內有確山縣協濟銀壹百捌兩肆錢肆分叁厘

一支明港驛馬夫工食銀陸百壹拾伍兩陸錢

一支明港驛擷夫工食銀伍百捌拾叁兩貳錢

一支明港驛醫獸工食銀柒兩貳錢

一支明港驛買補倒馬銀貳百伍拾兩

一支明港驛修理號房槽鑊鍋油煮料柴薪藥材等項銀陸拾壹兩

捌錢

一支明港驛留四夫銀叁百捌拾捌兩捌錢

驛站

本州驛站並協濟共原額銀貳千肆百壹拾肆兩除荒實徵銀壹千壹拾陸兩捌錢貳分肆厘壹毫內除奉裁走遞夫皂工食徑解司庫

銀及協濟改解司庫銀共貳百柒拾玖兩貳錢陸分捌厘陸毫

止實在銀柒百叁拾柒兩伍錢伍分伍厘伍毫

又收協濟兌解留用解司正項銀壹千柒百叁拾兩柒錢陸分伍厘壹毫

又收撥協改解留用解司正項銀貳千陸百叁拾壹兩玖厘肆毫叁項共銀伍千玖拾玖兩叁錢叁分

內裁減扣解欸項

驛馬驛馬夫館夫修理號房藥材鞍屨柴值槽鏹鍋油驛塘馬預轎夫等項歲共裁減銀柒百柒拾叁兩柒錢

存留支用欸項

驛馬玖拾貳匹每匹日支草料銀伍分歲共支銀壹千陸百伍拾陸兩

驛馬夫肆拾伍名每名日支工食銀肆分伍厘歲共支銀柒百貳拾玖兩

塘馬貳匹塘馬夫貳名歲共支銀陸拾捌兩肆錢奉 文裁解其應需銀兩俱州自行捐給

長養損橋夫肆拾捌名每名日支工食銀肆分伍厘歲共支銀柒百柒拾柒兩陸錢

留肆損橋夫叁拾貳名每名日留工食銀肆分伍厘歲共留銀伍百壹拾捌兩肆錢

送公文馬夫探馬夫及馬牌子館夫醫獸修號房藥材鞍屨柴值槽鏹鍋油支應廩糧買補倒馬等項歲共支銀伍百柒拾陸兩貳錢叁分

以上夫馬工料等各項歲共支用銀肆千叁百貳拾伍兩陸錢叁分內除裁解塘馬塘馬夫及館夫銀共壹百叁拾叁兩貳錢止實支用正項銀肆千壹百玖拾貳兩肆錢叁分

通計州驛實在支用及裁減裁解等項共銀伍千玖拾玖兩叁錢叁分

州轄明港驛驛站原額銀壹千玖百貳拾玖兩柒錢壹分叁厘

除荒實徵銀伍百壹拾兩肆錢壹分陸厘貳毫內除奉裁走遞夫皂工食徑解司庫銀壹百壹拾伍兩肆錢陸分壹厘捌毫

止實在銀叁百玖拾肆兩玖錢伍分肆厘肆毫

又收撥協改解留用解司正項銀叁千叁百伍拾捌兩柒錢肆分伍厘陸毫

貳項共銀叁千柒百伍拾叁兩柒錢

內裁減扣解款項

館夫及修號房歲共裁銀肆拾叁兩伍錢

驛塘馬損轎夫歲共減銀肆百壹拾兩肆錢

以上夫馬工料等項歲共裁減銀肆百伍拾叁兩玖錢

存留支用款項

驛馬柒拾匹每匹日支草料銀伍分歲共支銀壹千貳百陸拾兩

驛馬夫叁拾肆名每名日支工食銀肆分伍厘歲共支銀伍百伍拾

兩捌錢

塘馬貳匹塘馬夫貳名歲共支銀陸拾捌兩肆錢奉 文裁解其應

需銀兩俱驛自行捐給

長養損轎夫叁拾陸名每名日支工食銀肆分伍厘歲共支銀伍百

捌拾叁兩貳錢

留肆插轎夫貳拾肆名每名日留工食銀肆分伍厘歲共留銀叁百捌拾捌兩捌錢

送公文馬夫探馬夫及馬牌子館夫醫獸修號房藥材鞍屨柴值槽  
鑊鍋油買補倒馬等項歲共支銀肆百肆拾捌兩陸錢

以上夫馬工料等各項歲共支用銀叁千貳百玖拾玖兩捌錢

內除裁解塘馬塘馬夫及館夫銀共壹百叁拾叁兩貳錢

止實支用正項銀叁千壹百陸拾陸兩陸錢

通計明港驛實在支用及裁減裁解共銀叁千柒百伍拾叁兩柒錢

耗羨

雍正三年題定本州火耗每兩加壹錢伍分

額徵丁地耗羨銀貳千肆百伍拾兩陸錢伍分陸厘貳毫支解開後

一支知州養廉銀壹千肆百兩

一支知州公費銀貳百肆拾兩

一支州判養廉銀捌拾兩

一支吏目養廉銀捌拾兩

一支驛丞養廉銀捌拾兩

一支丁地黃蠟河銀漕糧等項解費例係每解正銀壹兩解費動支耗銀捌厘其動支銀數照依正銀彙算原無定額

一解司耗羨銀兩除動支外餘剩銀兩仍歸耗羨起解

雜稅

本州原設各項雜稅每年額收銀壹百柒拾兩叁錢伍分內分

老稅銀貳拾捌兩捌錢肆分貳厘

活稅銀貳拾肆兩叁錢壹分捌厘

牙帖稅銀肆兩陸錢

老稅贏餘銀柒拾捌兩柒錢柒分捌厘

活稅贏餘銀拾兩肆錢捌分貳厘

新增稅銀拾兩

新認牙帖稅銀壹拾叁兩叁錢叁分

以上柒項共銀壹百柒拾兩叁錢伍分外

當稅一項每名額收銀伍兩當鋪之有無多寡原無定額  
房地稅契銀一項原無定額逐年儘收儘解

鹽引

州屬例食淮北引鹽舊定每年額銷鹽伍千伍百引嗣經鹽憲

題明併鹽貳千柒百伍拾引每引鹽額重陸百捌拾肆觔我

朝定鼎初寇毒方除逃亡未復雖計口授食而額缺常多迨後

仁育既深生齒日繁不惟原額無缺且逐年俱有溢銷引目多寡不  
等隨年報

奏

舊志曰勝國寓兵於農置衛於信陽其時武事方殷屯亦綦重割郡  
之上腴供軍爲田實倍贏於州故州田僅四千餘頃正賦視他邑甚  
少信陽於楚粵爲子午之衝前此因平靖關險隘難行符使多取道  
於宛自萬曆季年直指楚人五臯黃公受經畧芝岡熊公意指關平  
靖而通之輪蹄供億無虛晷民始困矣

皇清定鼎流鴻卽漸集乎顧田之燕者十八九閭閻疲苦爲長吏者慮無

不貸債以去蓋申之父老未嘗食息忘憾於五丁也今雖滇粵已平軍併於民然呻吟未起衛田亦強半污萊而

司農用緇謂絲民之有匿力有匿心於是

勸農之詔與履畝並行夫良有司勸之非不勤履之非不精中州之苦則以日餘年兵刃饑疫之慘民命殆鮮噍類死者不可生少者未及成區區子遺何能勝此一望荆榛乎又何敢舉吾力吾心而匿之也徐之可漸觀菑畚急之並失其先隴生聚教養詎獨越人之厚望哉

按信陽於明季時兵刃饑疫民不堪命田土之蕪而不治者固難悉數迨我

皇清定鼎綏來安輯田日以闢民日以聚百年以來休養生息景象於以頓異焉夫天地之氣化愈趨愈盛惟無以蹙其生則蕃息而未有窮也今

聖天子加意烝黎減賦寬徵外間有旱乾水溢卽議蠲議賑更極周詳如兩澤之潤萬物日滋月溢而不知以故民遊浩蕩之天廬烟相望村



鎮稠疊驛使之往來商賈之居積無不充有餘裕猗歟盛哉三代之隆覲於茲矣吾儕幸逢

盛世惟正之供罔不急公奉上至其耕三餘一耕九餘三節用裕財以共慶太平尤其所厚望焉

物產

稻

信陽水田居多民食首重在稻播種常廣

黍

粟

菽

蔬

大麥

小麥

脂麻

蜀秫

蜜

餉

珍珠花

絲

縑

布

葛

木炭

藍靛

苧麻

檉麻

黃蠟

近時絕少入貢  
皆轉運他方

其蔬果花木藥材鳥獸產與別邑畧同以猥瑣不載

舊志曰申山郡也產無珍異民資畊稼以生無宅淫巧故禹貢上品  
上中厥產唯絺當屬此地今則益之以貉矣夫絺麻舊出漢中興國  
濯以淮曲之水乃柔輒可袵今道荒遠難通土葛脆不任緝固徒有  
其名耳貉本穴處日率韓獹而置罟之薰灼之幾何不種族絕也哉